

妙法聖念處經

宋西天中印度摩伽陀國那爛陀寺三藏傳教大師賜號沙門法天奉詔譯



清刻龍藏佛說法變相圖

新刻  
乾隆大藏經

三〇六

龍藏

妙法聖念處經卷第一第二同卷

忠五

宋普寧印度摩訥陀羅那迦陀等三藏傳教大師賜號宗派門法天子 訳譯

如是我聞一時世尊在大衆中天人圍繞瞻仰尊顏目不暫捨時諸大衆即於佛前而說

偈言

歸命一切智 三界第一尊 敷演微妙音

忠五

廣利諸群生

爾時世尊告諸大衆即說頌曰

若有諸衆生 不殺施無畏 慈心能忍辱  
端嚴壽無比 若於有情所 如同父母想  
能離不與取 智慧福無量 若行善身業  
離欲心堅固 不觀女妙色 解脫諸惡趣  
世間應遠離 解脫忻可證 似金礦覆藏  
體性本清淨 煩惱不能伏 上妙觸生愛  
善惡事不分 浮生苦最大 苦樂由心起

得失事亦然 善惡友離合 因果理無偏  
降伏諸根亂 平等心要行 利益諸有情  
是名苾芻行 沙門婆羅門 煩惱伏應斷  
智慧修增長 令心不散亂 涅槃理須證  
諸苦應遠離 勸發正見心 佛說此難比  
解脫諸輪迴 須彌愛不動 等彼栴檀香  
甘露味無比 雖獲上供養 嬌奢耶妙衣  
貪愛不染著 知足心歡喜 如草被火焚  
了知不究竟 供養興福慧 水火不能侵  
白業真智果 河水終無盡 不貪諸境界  
佛說苾芻行 樂求種種智 相應恒現前  
了達真實法 不墮諸輪迴 若人求白法  
令心不散亂 惠施諸境界 劫火不能壞  
無明諸有本 輪迴從此生 煩惱勤伏除  
真正牟尼行 樂行於忍辱 端嚴離冤害

能仁妙相因 見者心歡喜 林野離憣亂  
愛樂心歡喜 持鉢恒一食 是名苾芻行  
解脫最安樂 三塗最爲苦 真如離彼此  
思惟不可得 利他平等業 柔和常質直  
正行恒相應 遠離諸邪執 意根樂執著  
意根稱最勝 卷五 意根能速疾 意根能歡喜  
伽陀演說此 能作亦能說 拂擗諸煩惱  
業果善了知 了知得失事 能趣妙菩提  
一切諸有情 六根中第一 林間樂止住  
遠離諸冤賊 了知是六根 正行從此出  
常處等引位 抖擗諸業障 譬如於虛空  
風雲不能染 善護身口意 正見恒相應  
智慧如燈明 魔衆不能壞 不害物名善  
慈悲利益深 威儀無缺犯 方住苾芻心  
眼被色境縛 緬之餘非轉 煩惱縛有情

三界不能出 真俗智微妙 善巧事還希  
諸佛同共讚 運用叵難思 多聞求解脫  
貪恚不能達 善護身三業 伏除令不生  
爾時世尊說此偈已告諸大眾若有衆生煩惱纏縛三界輪廻受諸苦惱若行十善感果人天愛樂歡喜譬如圓月離諸障礙清淨無比覩之歡喜又如柴薪火能焚燒如是惡業應當伏除離於三界生死輪廻解脫諸苦又如飛禽得離繫縛自在無礙若諸有情不造諸業出離三界證二空理苦惱不侵貪恚非染了達輪迴譬如燈明照了物像正智相應恒無間斷離諸邪執受樂寂靜塚間樹下捨離諸惡親近善友比丘如是修出家行一切可愛諸境界等不應貪著不樂房舍離於貨易及虛妄語不樂歌舞捨離憎愛林中一食

最上菩提常樂趣求離不與取持糞掃衣歡喜知足止住林野寂靜思惟離散亂想及貪恚等常行慈心利樂有情遠離愚闇修習智慧離煩惱業解脫生死修入聖道寂靜現前破壞一切諸煩惱苦惱如是應當修習堅固善根遠離染欲專心一境愛樂真如種種智慧增長圓滿無漏淨法了知有漏虛幻不實爾時佛告諸苾芻言若有苾芻安住梵行清淨柔和善修止觀愛樂靜慮林間遊戲遠離諸染了達迷妄亦如飛鳥虛空影隨比丘亦爾三衣隨身善修平等恒思正法伏滅煩惱智慧相應趣求見道乃至彼岸究竟涅槃比丘應知如是觀察安住歡喜而於輪廻及老病死常乃怖畏如阿蘇囉及餘天衆歡喜恭敬獲得上妙僧伽祇鉢不假餘器守護梵

行不令毀犯清淨無垢不著諸味及利養等  
爾時佛告諸苾芻言若諸有情捨離悲心我  
慢放逸焚燒諸善難盡諸漏爾時世尊乃說  
偈言

若捨悲精進 無明慢相應 寂靜不現前  
無由漏除滅

爾時佛告諸比丘言若復有人於諸卧具上  
妙細軟不應愛樂覺悟無明迷暗根本諸惑  
隨生謂此無明徧諸染心彼若無時應非迷  
暗了達諸法等持靜慮應盡諸漏於是佛告

忠五  
諸比丘言若欲經行在於林中寂靜不亂於  
諸非法酒色等境不應愛樂比丘如是若諸  
魔衆由業繫縛惱亂修善女人飲毒自作自  
受汝今破戒行於邪命煩惱繫縛墮大地獄  
受種種苦比丘當知行乞食時若見女人如

毒蛇想專注一心思惟正法不求名利及諸  
妙境離業繫縛令心平等不行毀謗若入聚  
落如林野想乞飲食時如療病想起煩惱時  
焚燒林想求妙法時趣正路想處牀卧時鹿  
驚怖想入諸禪定遊園觀想見阿羅漢作福  
田想不樂境界語言戲論恒求解脫國王大  
臣利益親近上妙飲食勿希貪想施主名利  
恒非欺誑心行方便不起瞋恚貪樂房舍親  
近豪族如魚樂水安住不捨遠離知識迷背  
真實希求虛幻如燈夢雷作解脫想尊重邪  
道恒行恭敬最上真實不能了悟爾時佛告  
諸比丘言應知省覺愛樂經行禪定智慧恒  
行慈心趣求最上真實解脫獲於正見了達  
諸法恒常修習忍辱精進捨離貪恚及諸散  
亂佛告比丘應當愛樂一切有情憶念憐愍

令離顛倒及諸縛解脫衆苦苾芻應知於  
諸境界雜染侵害譬如金體性離塵垢比丘  
當知若至親友及往非親應離貪恚了知損  
益若罪非罪安隱艱辛方便降伏爲說法要  
隨彼利鈍聰明愚昧導以勝劣誠之正說比  
丘應知林間經行寂處習定捨離過非恒樂  
真如了信因果勝劣差別遠離諸毒降伏諸  
根不起過非智慧相應令心歡喜止息毀謗  
如海甚深相應無盡心意堅固不起疑慮不  
貪妙色聰慾平等應時善說欲色無色虛妄  
真實不說世間是非語言遠離過患諸境界  
等譬如諸毒及以淤泥勿令侵害解脫輪迴  
無明遠離禪定智慧辯才宣演法義最上離  
妄顛倒一切塵垢不令染汙一切所作皆爲  
利益於衆僧處不起違背身語意業離彼繩

縛不求人天修諸善業不爲名利趣向涅槃  
苾芻應知恒離惡友不作諸非常以慈心平  
等觀察心意調柔護戒清潔隨順真實離妄  
怖畏不迷輪迴及諸靜慮了達無常空智自  
在梵衆諸天安住靜慮趣向涅槃聽聞妙法  
了悟誠實歡喜踊躍爾時世尊說伽陀曰  
業果善不善 所作受決定 自作自繩縛  
如蠶等無異 苦澁及甘美 諸苦并煩惱  
如影恒隨逐 飲毒自侵害

爾時世尊說此偈已告諸比丘若有衆生善  
修智慧破煩惱火安住梵行愛樂三寶見聞  
隨喜不起貪恚作解脫想了達不動趣向真  
實安住最上離老病死及諸輪迴煩惱冤家  
相續不斷爾時世尊告諸比丘若於靜處修  
習梵行趣自然智諸天梵衆恒來親近禮事

供養所以者何愛樂梵行能壞輪迴遠離煩惱令心調伏捨離黑暗及諸冤家勿令侵害

猶如乾草離火焚燒捨離煩惱亦復如是佛告比丘若復有人迷諸境界恣縱諸根違背涅槃心不平等恒行苦因邪見縛縛一切諸惑不能伏除廣集資具貪心熾然最上福田愚迷障蔽曾無省悟若遇法師方便開化遠離諸惑及貪等染息除猛焰及離諸觸趣向最上甘露妙法安住最上善友知識愛樂靜慮修習智慧煩惱如山而能破壞安住淨慧捨諸愚暗及離輪迴獲妙果報聰慧最上修諸勝行心意相續少欲知足息除邪執繫縛攀緣悉皆遠離如魚吞鉤貪味自縛有情亦爾愛樂五欲恒時不捨廣興諸業輪轉生死無有止息迷昧染因諸趣差別無有窮盡爾

時世尊乃說頌曰

若人作惡業 輪迴地獄苦 餓鬼及傍生  
淪沒無窮盡 等活與黑繩 衆合并號叫  
燒然及燒然 阿鼻大地獄 艱辛惡業苦  
刺長十六指 四壁并四門 悉皆鐵所造

忠五

爾時世尊告諸比丘彼諸地獄焰火熾盛暴惡甚多相續無間百踰善那難可調伏形色毛豎甚大怖畏極惡之聲聞皆酸楚有情惡業墮此獄時頭下足上剝那生彼受種種苦展轉焚燒晝夜啼泣出大惡聲如魚穿炙皮肉糜爛偏滿黑暗心意迷亂罪人見琰魔羅界大火焚燒迷亂悶絕造業同者處之一獄人人縛縛獄卒牽挽受苦難當而無間斷若人少智虛妄造罪由此輪轉冤家聚會受地獄苦時諸比丘而白佛言此琰魔羅受罪

之人云何縛縛受苦無量爾時佛告諸苾芻言此人恒常毀謗正法不生信受因果不了

迷諸地獄不生怖畏起煩惱火焚燒諸善以

此業因墮琰魔界受如是苦最上火難而無

間斷瞋恚冤家愚癡黑暗隨業而受業盡方

出佛告比丘若復有人欺調虛詐於他妻女

耽染不捨纏縛生盲恒覆光明不能了悟時

諸比丘復白佛言處人卑賤愚昧無智復作

何因感果如是佛告比丘此於過去我慢心

高輕毀賢善慳貪嫉妬故受斯報若復有人

離間彼此及作惡業由此因緣墮諸地獄若

生人中乏少男女財物散失知識遠離命欲

終時顛狂怕怖眷屬守護迷諸境界不能了

達爾時世尊即說頌言

自作還自受 殘害罪有情 暴惡苦器多

業盡方能免 世間造諸業 善不善恒隨  
譬如花有香 遠近皆相逐

爾時世尊告諸比丘譬如飛禽棲止林樹聚

散非恒父母親族亦復如是佛告比丘若復

有人於寂靜處繫念思惟修習善業捨離愚

暗彈竿羈索志五暴惡非法臨命終時身心無惱

離諸驚怖獲報天上飲食衣服隨心自在眷

屬宮殿悉皆圓滿聰明智慧資具園林無所

乏少壽命形色圓滿具足若復有人自心欺

詐誑惑世間男女眷屬朋友知識訶罵毀辱

廣造諸非命終之後墮諸惡道受苦無量從

彼出已若生人中貧窮下賤衣食乏少男女

眷屬皆悉厭離虛妄愚迷不了因果貪瞋等

惑相應無間於諸善事不會修習惡友非法

恒時親近爾時世尊而說頌曰

地獄受諸苦 焚燒從業生 人中因苦纏  
皆隨自心造 輪迴三界內 徒來如蟻環  
業果互爲緣 相續無窮盡

爾時世尊說此偈已告諸苾芻若獲聖果方  
免輪迴無所繫屬自在安樂業及業果不能

傾動若復有人起貪瞋惑及造諸非墮於地

獄猛炎焚燒一切身體受種種苦發聲號哭  
思惟方便不能得脫如是苦澁不善之業愚  
迷自造譬如猛火焚燒林野一切草木無由  
得免惡業亦爾輪迴地獄受諸苦惱不能遠

離若復有人捨離惡友不造諸非了悟因果

離諸疑謗修習正見信樂真如寂靜安樂遠  
離輪迴及諸苦惱最上無比無相無爲離妄  
顛倒常樂我淨自在無礙離諸繫縛善不善  
業皆悉遠離

妙法聖念處經卷第一

妙法聖念處經卷第二

卷之二 國際佛學研究三藏傳教大師賈密菴著本譯

爾時會中諸苾芻等聞佛所說地獄焚燒受苦無量悲啼雨淚禮敬佛足而白佛言此諸地獄受罪有情修何因行免於未來諸苦痛惱不被縛速得解脫唯願慈悲利益未來敷演斯事爾時世尊告苾芻言諦聽諦聽吾今爲汝分別解說若復有人修諸淨戒離於邪執愚迷顛倒已所作罪懺令不增未作之罪防護不生修習聞思及諸善業捨離慳貪欺詐暴惡深信因果由此因緣不受焚燒地獄之苦佛告比丘若復有人欲求遠離焚燒寃害不飲諸酒修施戒業苾芻應知酒失最上破壞善法酒失最上能壞聰慧酒失最上能壞安樂酒失最上遠離善友酒失最上能

生諸病酒失最上破壞解脫酒失最上冤家得便酒失最上財物散壞酒失最上增長非法酒失最上遠離珍寶酒失最上亂說是非酒失最上散亂轉增酒失最上能生貪念酒失最上無明增長酒失最上忠實變詐酒失最上顯露隱密酒失最上煩惱轉增酒失最上成就地獄酒失最上焚燒善根酒失最上毀壞三寶酒失最上惡名流布酒失最上醉變膿血酒失最上香變臭穢酒失最上增長三塗比丘應知酒能毀壞色無色業酒能焚燒四果聖業酒能增長暴惡之業酒能不信正實因果酒能增長煩惱諸苦酒能發起口四過非及怖畏事酒能數起貢高欺詐酒能毀謗善友知識酒能恒處衆苦憂惱酒能增長一切諸非酒墮有情黑暗之處酒墮有情

餓鬼傍生酒能遠離聰明智慧酒能遠離諸天神仙酒能毀壞轉佛法輪酒能增長我慢放熾盛酒能破壞清淨梵行酒能增長婬欲

逸酒似於風破壞世間酒能壞亂長者之行酒能志失忍辱之心酒能迷亂世間聰慧酒

能毀謗解脫之法酒能遠離諸佛淨戒爾時

世尊告比丘言酒有如是種種過非應當遠離比丘應知飲酒之人但貪美味不慮苦果由此爲因墮於地獄受種種苦從地獄出若

生人中愚昧貧乏不信因果毀謗正法輕慢賢善煩惱增多姪欲熾盛遠離解脫暴惡纏

忠五十一  
縛纖毫之善而非修習極惡之因恒時親近如是展轉輪迴諸趣無解脫時比丘應知思惟離妄修習正行慎護三業彼苦澁罪獲報艱辛疼痛難任焚燒決定是故比丘應當遠

離一切過非及諸怖畏比丘應知自作自受他不能免彼殺生等十不善業果感不虛爾時世尊說伽陀曰

身語業非虛 輪迴諸惡趣 自作自繻縛  
善逝不能救

爾時世尊說此偈已告諸比丘一切瞋恚及於妄語應當遠離由此爲因墮諸惡趣受種種苦後生人中貧乏卑賤凡所發言多增穢惡傷犯於他猶如刀斧亦如餓鬼自業所招焚燒飲食此業亦然焚燒衆苦惡名流布見聞不喜若有智者遠離妄語發言誠諦人皆信受美名流布猶如香氣聞皆歡喜比丘應知若復有人發於實語遠離苦惱虛妄邪執猶如珍寶堪任受用亦如燈明照了物像實語亦爾聞皆信受由此因緣天上自在解脫

諸苦捨離穢惡虛妄之聲筭數藝能安住最勝趣向解脫財富無量普濟貧乏智慧光明莊嚴第一庫藏豐盈遠離煩惱若生人中尊豪最上種種莊嚴自在具足利益有情孤獨貧乏乃至知識悉皆利樂恒說真實猶如火毒燒照最上險惡途路如毒遠離是故妄語一切時中應當捨離及諸纏縛怖畏等罪復次比丘有情妄語墮大地獄受諸苦惱身分破裂如青蓮華琰魔獄卒爲彼罪人而說偈言

虛妄地獄因衆苦自心造娑伽水有盡此業報無窮

爾時世尊告諸比丘若復有人捨離妄語如捨苦澁獲味甘美比丘應知修習智慧愛樂真實莊嚴自身功德最勝猶如甘露能離過

患愚夫迷倒不了苦因熾然造作暴惡之業損害憎嫌一切過非恒時不息墮諸地獄遠離安樂及以真實若得人身見聞不喜憎多過患龍天嫌厭愚迷虛妄善友如冤非曾親近恒習諸惡無時暫捨輪迴受苦而無窮盡比丘應知真實最上智者修習猶如甘露遠離過非恒時安樂亦如涅槃苦惱不侵遠離無義及四相等又如聖境愛樂最上真實亦爾聞皆歡喜又如暗室明燈最上能了物像真實亦爾聞非疑謗又如良藥能息苦惱乃至鬼魅皆能遠離真實亦爾解脫地獄及諸苦惱愚迷輪迴諸惡趣中受苦展轉業報無窮墮諸地獄不得解脫受種種苦發聲號哭空中有聲告諸罪人汝等勿哭自作自受怨於何人煩惱迷覆自心虛妄不能遠離解脫

衆苦若復有人恒不妄語猶如甘露人皆愛樂普益自他若行妄語猶如毒藥損惱自他不得安隱虛妄亦爾墮於險處受大苦惱如是虛妄生生之中應當捨離修習淨行解脫諸苦真實莊嚴種種智慧慳貪諸惑及不善業伏斷無餘比丘應知有情虛妄煩惱纏縛

猶如器仗刀劍等物損害有情不得安隱若復有人真實離妄財法惠施饒益有情最勝功德而無有盡乃至獲於安樂自在若復有人遠離真實及諸智慧恒造惡業輪迴諸趣受種種苦刀兵飢餓風火疾疫飄溺焚燒冤家非一衆苦聚會逼迫酸疼一切暴惡自作自受業報非虛比丘應知愚夫妄執此彼世間無因無果及無作用散亂橫計增長非法遠離善法愚迷有情不了因果墮諸黑暗輪

轉不息苦惱無窮佛大慈悲說希有法導彼愚迷令心首悟捨離衆魔及諸驚怖佛告比丘地獄有情被業所牽處於黑暗恒聞惡聲怖畏迷亂奔墮大坑焚燒身體皮乾肉爛猶如枯木由業力故涼風觸體還復如本依前焚燒苦惱無量如是受苦業盡方免比丘應知勤修善業遠離惡趣及諸苦惱人天富樂自在可愛趣向涅槃伏除貪瞋及餘諸惑勿令侵害捨離散亂不造衆惡地獄酸楚恒時受苦應生厭離解脫輪迴若復有人殺害衆

生及不與取毀謗三寶不信因果起於虛誑離間彼此發身等業慳貪嫉妬恒不捨離命終之後墮於地獄受苦無量如是展轉沉淪惡趣而不解脫比丘應知由宿業力輪迴生死纏縛諸有而無窮盡佛告比丘身語意業

不善爲因墮於地獄受苦三時而無暫息寧持利刃斷於舌根不以此舌說染欲事所以者何由此爲因起貪嗔癡廣造惡業輪轉諸趣不得解脫皆因虛妄橫執染欲於苦計樂起業煩惱生死長時不能遠離又如羈索繩縛有情染欲亦爾繫縛有情墮於地獄獲苦澁果愚迷有情不能遠離染欲因緣詭誑暴惡轉增熾盛焚燒衆善而無悲愍廣益有情比丘應知我執如山惡業似海煩惱焰猛熾然相續纏繞不捨相貌醜惡驚怖憂惱恒非安隱又如虛空徧一切處惑業苦惱隨逐有情恒不捨離無處不有繫縛有情不令出離又如世間邪見執我堅固難拔僻執繫縛恒無暫捨苦惱逼迫暴惡纏縛損害艱辛無怙無依輪轉生死周徧一切如火焚燒受種種

苦而無窮盡又此我執顛倒虛妄愚暗迷亂或執星辰或計五根或執意根妄爲究竟歸依奉事而求解脫由妄執著我能造因亦能受果由斯增長身心苦惱而非遠離地獄輪迴酸楚疼痛堅執勇猛纏繞相續愚迷造作諸不善業而非悔恨思惟方便了悟果因遠離過非趣求解脫比丘應知若復有人造諸惡業受報艱辛處於地獄乃至劫壞而非解脫龍天八部不能守護所以者何此諸有情業繩所牽受地獄苦此界壞已惡業因緣往於他方餘處受苦不能遠離若復有人於父毋處起殺害想而生決定此罪至重譬如有以利刀劍破壞三界一切衆生比此猶輕所以者何父母恩德反生寃害獲罪甚重若復有人破僧和合殺阿羅漢出佛身血此罪

最重獲報無間受苦相續殘害怖畏治罰恒時思惟方便無暫止息鐵毒火炬苦歿無窮非法纏縛破壞恐怖恒常無斷顛倒愚迷不能遠離苦澁之果由此因緣煩惱業牽輪迴生死不得解脫比丘應知染欲妄語應生厭離悔恨思惟伏除棄捨止息貪愛勿作是想何況執著造作彼業是故比丘煩惱暴惡邪見顛倒汝應破壞於諸惡趣捨離彼業及愚癡等趣求無上最勝無邊二空智慧利益有情不令墮落地獄鬼畜焚燒諸苦受種種等非愛之果若復有人尊重佛僧及諸經典恭敬供養歌頌稱讚以此因緣遠離塵垢及諸繫縛業等諸障獲報安樂恒生善趣初中後善遠離苦惱安樂長時相續無間棄捨垢染及諸煩惱愚迷醉亂伏除不起止息輪迴解

脫諸有乃至究竟而證轉依於是佛告諸比丘言若復有人虛詐妄語誑惑世間希求財利養活身命及奴馬等以此因緣命終之後必墮地獄受焚燒苦猛炎熾然相續無間苦惱燒煮而無窮盡彼獲如是暴惡之苦皆由業牽不得遠離地獄諸苦譬如羅索繫縛有

忠五

十六

炎俱時火然相續無斷爾時世尊而說頌曰愚迷諸有情 貪財行虛誑 地獄業所牽  
焚燒受諸苦 亦如諸毒藥 自飲還自害  
造業亦復然 似影恒隨逐 又如出火木  
生火能自害 苦果隨惡因 自作應自受

佛告比丘若復有人於境起貪應作觀想可  
以對治若於珍寶起於貪欲如火輪想及破  
壞想世間貪愛無量無邊由斯觀想皆悉遠  
離貪著世間如冤家想見於海水作漂流想  
見於刀劍滅煩惱想降雲雨時作普益想見  
諸佛時作解脫想見國王時起尊重想見父

母時起親愛想起慳貪時如毒藥想見眷屬  
時暫止息想趣圓寂時起平等想持淨戒時  
起光明想見金寶時起破壞想見破戒者起  
救護想財散失時非究竟想住三界時如牢  
獄想見日輪時起智慧想修靜慮時求功德  
想比丘應知於他財物矯設諸行虛誑盜取  
以此爲因墮於地獄種種苦惱焚燒其身支  
體破裂恒處黑暗無有光明愚迷覆心恒不  
捨離無少安樂遠離涅槃一報終盡復墮鬼

畜常困飢渴勞役疲乏衆苦逼迫而無窮盡  
若生人中乏少資財欲心熾盛處人卑賤勞  
苦相續時無暫息爾時世尊而說頌曰

虛誑盜他財 三塗苦自受 飲渴恒相續  
衆苦無休息 愚迷覆智慧 光明恒遠離  
輪迴惡趣中 業盡方能出

爾時佛告諸比丘言若復有人於諸順情妙  
觸之境而起染著恒非捨離應作堅硬苦澁  
等想無常敗壞體不究竟如電如夢自性非  
有於諸妙觸皆悉遠離比丘應知於諸欲境  
勿起愛著及諸世間過去未來所有可愛染  
欲塵境應當捨離

音釋

詐 滅 磭 古  
僞 陟 切 所 金  
也 嫁 立 朴 猛  
切 糜 也 切  
矯 碩 糜 切  
詐 居 切 糜 爾  
也 天 糜 麻 切  
切 碗 爲 抖 當  
攷 腐 切 撻 口  
疾 音 壞 碗 振 切  
打 考 也 盧 擢 撻  
肝 貌 蘇 后  
翁 古 虬 先  
也 法 切 昨  
切 合

妙法聖念處經卷第三

第4同卷

忠六

宋西秦印慶摩伽陀國那爛陀寺三藏傳教大師賜紫沙門法天奉詔譯

爾時佛告諸比丘言若復有人於未來世求生人天獸離苦果應當遠離諸業煩惱暴惡淫逸及離妄語破壞損惱一切有情修諸善業漸令增長相續恒時獲報安樂捨離苦惱

忠六

爾時世尊即說偈言

暴惡能遠離 苦澀果非有 輕毀妄語無聞名皆歡喜 邪執宿冤賊 伏除令不起覺悟煩惱染 恒修諸對治

爾時佛告諸比丘言若復有人值遇違緣於自及他應當覺悟破壞遠離虛妄計執想諸聖賢修於忍行又於財物離貪妄想人及非人世及出世正道非道若男若女善惡業果真實虛妄宮殿房室恭敬供養乃至一切諸

染淨境勿起妄執亦非憎嫉真實離妄悲愍有情入聖階漸遠離地獄損壞琰魔除滅黑暗修習智慧貪忿染因猶如火毒悉應捨離業報艱辛懺悔發露不應覆藏文字曉了宣說苦因咸應遠離佛告比丘若復有人於諸惡友及他眷屬勿生憎嫉應起是念我從無始多劫已來輪轉諸趣父母親族善友知識轉輪生死往來不定於諸有情應當悲愍起親愛想貪瞋等惑由此遠離時諸比丘白世尊言若復有人虛妄兩舌離間彼此當感何果願佛演說我等樂聞利益未來一切有情佛告比丘應知兩舌獲報差別略有十種何等爲十一種族卑賤眷屬乖離二遠離善友惡友增多三愚癡暗鈍增長過非四毀謗聖賢不信因果五藏護已失樂說他非六虛妄

轉增忠實行寡七死墮地獄受苦無窮八恣  
縱貪瞋惡名流布九財貨散失恒時憂苦十  
遠離正法恒生邊地比丘應知兩舌之業獲  
報如是不應執著皆當棄捨於是比丘復白  
佛言若有衆生發麤惡語感於何果佛告比  
志六

丘應知語業獲報有十何等爲十一者口出  
刃焰焚燒自身二者邪見熾盛無惡不作三  
者遠離聖賢日增惡友四者衆皆厭棄猶如  
諸毒五者外器險隘高下不等六者煩惱熾  
盛壞散財物七者焚燒衆善非法轉增八者  
身體臭穢聞皆嫌厭九者肢節枯乾恒時病  
苦十者死墮險趣輪轉生死比丘應知麤語  
業招如斯報汝應遠離爾時世尊乃說頌言  
衆善應可愛如父復如母美善體安然  
能離於喧諍美善人天喜美善增勤勇

美善眷屬多美善三塗離美善息諸惡  
美善離煩惱能棄語過非應修諸衆善  
爾時世尊說此偈已告諸比丘如是所發麤  
惡之語悉應遠離伏除不起勿令增長墮於  
地獄受飢渴苦種種痛惱於彼惡趣恒時飢  
渴如火焚燒常思飲食量如芥子終不能得  
何況多食比丘應知彼諸有情由此惡業極  
苦纏縛飢渴炎火相續逼迫時無暫息如是  
苦果皆由虛妄麤惡語業之所招感比丘應  
知虛妄惡業及諸功德人天勝善皆由心造  
若癡增上輕毀賢善起惡意業遠離平等樂  
志六  
說彼此長短是非如油欲盡燈光漸暗智慧  
損減過犯轉增是故比丘恒應遠離虛妄惡  
業勿令侵害於他名利若生嫉妬及諸忿等  
惱亂身心時無暫息比丘應知此等惡因焚

燒自善於當來世必招苦果輪迴不息應當棄捨時諸比丘復白佛言若有衆生於情非情恒起瞋忿獲於何報佛告比丘應知瞋忿

於當來世得十衰損何等爲十一者冤家增盛人皆嫌厭二者生於邊地遠離正法三者縈纏諸病貧乏困苦四者死墮豺狼蠻險暴惡五者或處毒蛇恒時瞋恚六者諸根醜陋眷屬乖離七者死墮黑繩受苦相續八者肢體乾焦衆苦燒然九者墮於邪執毀謗聖賢十者恒處三塗輪轉不息如是十種皆由瞋恚比丘當知悉應遠離爾時比丘復白佛言若有衆生恒修無瞋獲於何報佛告比丘得十勝利何等爲十一者善美流布二者遠離慢輕三者能伏瞋恚四者三塗捨離五者冤敵不侵六者恒生人天七者眷屬圓滿八者

諸根無缺九者色相具足十者成就解脫比丘應知如是勝利汝當修習爾時世尊乃說

頌言

衰損由瞋業 沉淪苦海深 諸根多缺陋

逼迫事難任 善因生善道 非法入泥犁

傍生并鬼趣 善惡業恒隨

爾時世尊說此偈已告諸比丘善惡之業損益不同互相增減隨業勢力受報非虛時諸比丘復白佛言有情慳貪不行惠施自無依託迷暗愚癡不信因果毀謗聖賢獲報云何

忠六

四

佛告比丘若諸有情慳貪不信於諸財物自不受用何況施他應知比丘無智愚人遠離善友復造諸非由此因緣墮諸地獄受苦無窮彼諸比丘聞是語已憂愁悲惱哽咽號泣復白佛言此諸有情復於何時當捨此苦願

佛演說利益未來爾時世尊告諸比丘乃說

頌曰

人間六萬歲 阿部陀晝夜 積彼年及月  
初三萬六千 承斯餘壽命 後後二萬增  
八寒大地獄 相續苦無盡

爾時世尊說此偈已告諸比丘此大地獄受苦有情由身語意輕慢賢善毀謗正法造作非法破壞佛形焚燒經典謗真實法言無義味由此業因牽引有情墮險惡處種種治罰相續受苦而無窮盡時諸比丘復白佛言若復有人於佛正法甚深經典讀誦演說令他信受發菩提心獲何勝利爾時佛告諸比丘言功德無量微妙最勝此諸有情受持讀誦如是深法敷演解說依法修行起於正信伏除障染遠離惡趣恒處人天安隱快樂一切

聖賢護助稱讚於當來世獲得最上多聞總持福德智慧憶念不忘宮殿珍寶悉皆具足乃至圓寂速得成就恒離老病慳貪嫉妒迷惑醉亂毀謗正法虛妄邪執八難艱險及諸非法悉能遠離爾時佛告諸比丘言若復有人愚迷邪執於諸世間虛妄愛樂廣造諸非於其所作亦無悔恨其心增盛諸惡相續不怖險處遠離善友由此業因輪轉地獄受苦澁果決定非虛比丘應知諸有智者悉皆捨離諸不善業發起正信修習對治比丘當知由心造罪獲果亦然解脫生死流轉諸趣亦由於心能行詭詎又能調伏亦能暴惡能趣三塗得大怖畏亦由於心又能捨離修諸善法而能棄背真實安樂及能遠離虛妄顛倒種種因緣果報差別若假若實獲報決定及

不決定有益無益若善非善皆能遠離亦能顯於二空之理譬如明燈能破黑暗復能顯現諸物像等心亦如是又如善惡因果差別互相隨逐恒不捨離輪轉諸趣亦由於心又如染淨隱顯雖殊互相增減假實理事亦非

即離正見邪執愛非愛業出離沉淪理非即離皆由心造比丘應知諸業繫縛往來生死猶如繩索繫縛有情恒不自在愚迷虛妄煩惱纏縛障覆真理令智不起於法非法不能了達亦非修習趣證之行二空真理無由顯證比丘當知此由無明迷於正理於佛教法曾無所悟障礙留難自不依修復障他學妄說過非無增獸離由此業因毀謗正法諸佛冤賊世世愚昧恒墮黑暗地獄之中備受衆苦而無窮盡從彼出已復墮餓鬼愚迷暴惡

互相殘害恒時受苦飢渴逼迫而無暫息受種種苦復從彼出墮畜生中疲乏飢困衆苦纏縛恒無止息瞋心增猛互相食噉極惡意樂相續不斷亦如世火能燒林野此業亦爾能燒眾善損害有情爾時世尊乃說頌曰

迷惑諸有情 謗佛毀正法 隘落於三塗  
窮劫不能出 恒處地獄苦 黑暗絕光明  
餓鬼及傍生 飢虛無窮盡 有情由業縛  
智慧煩惱覆 險惡海沉淪 劫壞不能免  
爾時世尊說此偈已告諸比丘由前謗法惡業之因輪轉三塗受苦無量從彼出已若生人中貧窮困苦諸根不具飢渴所逼煩惱增盛其性暴惡猶如象馬懶惰不調愚迷邪執恒時相應病苦纏縛而無間斷其心放逸虛妄攀緣時無止息聾盲瘡痘不值正法恒處

邊地智慧乏少愚癡邪執受種種苦而無窮  
盡比丘應知謗法之罪獲報無量說不能盡  
佛告比丘若復有人修諸靜慮趣求解脫於  
佛法僧不生毀謗恒時尊重稱讚信受猶如  
父母亦如善友恒時愛護尊敬<sup>志六</sup>信受不起邪  
謗令心歡喜時諸比丘復白佛言有情云何  
捨離過非修習勝行願佛演說利益未來爾  
時世尊告諸比丘諦聽諦聽今爲汝說若復  
有人捨離身語諸不善業恒修善業又於三  
世安住觀察伏諸邪慢尊重三寶策勤三業  
趣證菩提復於三時遠離諸執及貪瞋等復  
次比丘由於三業離諸過患安住愛樂三聚  
淨戒趣三菩提及三真如遠離煩惱安住思  
惟令心平等觀察最勝復離慢疑三業清淨  
伏除障染於一切處能離繫縛修習正行憶

念苦空樂趣解脫微妙甚深遠離諸惡發起  
方便破壞愚暗及諸貪欲是故比丘應修善  
行棄捨諸非及能遠離飢渴寒熱顏容憔悴  
愚暗破裂憂惱悔恨種種諸苦皆悉捨離獲  
於人天富饒安樂聰慧廣聞恒修捨行及諸  
香燈華鬘瓔珞諸供養具復次比丘若起邪  
執憲貪嫉妬虛妄誑誑墮於餓鬼受諸苦惱  
逼迫殘害相續無斷飢渴焚燒業因熟時纖  
毫難免憂苦纏縛遠離解脫時諸比丘白世  
尊言此諸有情云何得脫如是衆苦復於何  
時而得解脫獲於正信我今思惟不能了達  
又此有情於鬼趣中日夜長時恒受飢渴寒  
熱憂苦身首乾枯癡暗迷覆恒無暫捨願佛  
演說利益未來佛告比丘此諸有情於過去  
世造諸惡業不修福慧憲嫉虛誑煩惱熾盛

恣縱貪瞋不能伏除命終之後墮於地獄受

苦無量從彼出已復墮餓鬼衆苦逼迫飢渴

纏縛於一切處恒時受苦無救無依思念飲

食終無所得悔恨號哭念我何時當捨此苦

比丘應知愚癡有情煩惱纏縛由惡三業輪

轉三塗受如斯苦比丘當知若復有人近事

男女諸天魔梵破彼惡業修習善法愛樂真

諦審觀自身四大五蘊苦空無常亦如水泡

芭蕉夢電皆悉虛幻是故比丘於諸善法修

令增長於一切惡對治不起安住人天最勝

可愛皆得自在身語意業遠離諸非虛妄欺

詐及諸驚怖決定棄捨愛樂最勝寂靜思惟

離諸散亂造作衆善初中及後令無間斷降

伏諸根捨離繫縛及諸惡趣愚癡黑暗不了

果因廣作不善輪迴三塗備受衆苦爾時世

尊而說頌曰

若樂於住處 應觀胎藏苦 遠離顛倒貪

破壞令不起 纏縛於業繩 三塗苦無盡

來往似蟻環 沉淪難出離

爾時世尊說此偈已告諸比丘老病死苦纏

繞有情恒不捨離譬如魚鹿網箭纏縛亦復

如是復次比丘貪愛如毒瞋忿似火虛妄詭

誑迷覆淨心熾然煩惱恒相隨逐令不出離

若復有人貪求財物廣行虛誑養活身命妄

執纏縛輪轉諸有如魚吞鉤因貪所起如炎

中水從愛心生爾時世尊乃說頌

迷執虛妄見 業緣有幻身 果因恒離倒

離因果非真 輪轉因煩惱 了達證真空

解脫煩惱離 真實理非無 最上妙覺位

二障悉皆亡 淬然恒不動 利樂諸有情

爾時世尊說此偈已告諸比丘若復有人起謗不信損壞三寶花卉果實貨易活命以此因緣墮於惡趣彼有獵狐及諸鷲鳥其觜鋒利猶如金剛形貌醜惡燒亂驚怖來集食啖

身肉手足眼目骨髓周徧無遺受苦無量業  
繩纏縛隨逐不捨而無依怙亦非救濟輪轉  
如是三惡往來恒不捨離從彼出已復墮餓鬼飢渴所逼增長衆苦口吐火炎如山相續  
而無間斷設降大雨偏一切處此惡業大終不能滅比丘應知若復有人修習施戒乃至智慧而能解脫種種衆苦復次比丘惡業爲因招三塗果有情迷孰不能伏除分別俱生煩惱一百二十八使於三界內欲四諦行乃有十二上二合論二十四行約三界說復次比丘四諦四智乃有十六及二見道修四念

處八正道支五根五力解脫暴惡遠離焚燒復次比丘最上二諦智應修習及三念住遠離衆魔及諸餓鬼飢渴困苦增長白法爾時世尊乃說頌曰

十惡因心造 沈淪路嶮巇 執貪癡境縛  
果感必相隨 極苦泥犁趣 堪嗟無所依  
緣熟如影響 壞劫報難移 三業勤精進  
多聞習總持 二嚴修六度 圓滿證菩提  
爾時世尊說是偈已告諸比丘若復有人修三善業施戒多聞捨離暴惡愚迷貪愛解脫衆苦及離不善地獄餓鬼比丘應知諸餓鬼界受種種苦寒熱飢渴痛惱逼迫不能遠離由此惡業我慢虛詐墮落三塗於彼趣中互相殘害貪瞋纏縛恒時不捨由昔遠離布施持戒及於多聞造作諸非不能了知法非法

等及於正信亦皆迷暗而非省悟由此障礙人天善趣不能修習亦非觀察得失等事時諸比丘復白佛言阿素羅趣何業所招爾時佛告諸比丘言應當諦聽今爲汝說彼阿素羅由昔虛詐恒時詭曲業及諸惑纏縛不捨墮於彼趣亦由不信謗毀賢善於正因果不能了悟墮於彼趣而無智慧愚迷妄執怖畏怯懼恒非安隱爾時帝釋忉利諸天聞佛所說歡喜踊躍即於佛前以偈頌曰

平坦三乘路 牟尼親所宣 真空無漏理  
本體離諸纏 應物興慈廣 懷悲愍苦深  
光明恒照耀 不捨利他心

破壞諸有親族朋寮互相憎嫉五欲淤泥悉皆遠離處諸有情謙敬和順安住恒時善離諸染穢儀有軌抖擻煩惱降伏魔羅智慧安住最勝清淨善護三業恒習靜慮棄捨惡友及非梵行永離繫縛恒處諸天良友知識勸發大心速登彼岸

爾時帝釋說此偈已合掌恭敬在一而立佛告天帝三乘淨法汝應修習離諸繫縛平等清白能離險隘絕諸黑暗光明無染猶如珍

## 妙法聖念處經卷第四

宋西天印慶寺加陀國那爛陀寺三藏傳教大師賜號開蒙叡詔譯

爾時世尊四衆圍繞樂聞深法瞻仰踊躍時諸苾芻白世尊言若復有人愛樂諸天受勝妙樂不墮三塗修何因行獲此勝報願佛演說利益未來爾時世尊告諸苾芻若復有人恒修布施持戒靜慮作意堅固修習增長遠離繫縛染欲諸纏不起過非令智增明廣修衆善命終之後諸天化生自在無礙形相具足富樂無比多諸眷屬善友知識互相和順謙敬離慢愛樂深法恒值聖賢說法勸導遠離三毒諸不善業恒樂正法內心寂靜離於睡眠覺悟虛妄趣求勝法了達深信猶如衆星處於虛空種種光彩嚴麗殊妙若諸天身宮殿樓閣亦復如是衆妙珍寶種種莊嚴光

明照耀圓滿色相具足無比言不能盡爾時世尊乃說頌曰

世及出世間 一切由心造 猶如工畫師  
巧善皆成就 沈溺於三有 出離亦由心  
如蠶自縛縛 迷執諸境界

爾時世尊說此偈已告諸苾芻一切有情輪轉三有迷染境界散亂纏縛於諸正道而非覺悟法及非法真實虛妄勝慧邪執亦皆不了於阿素囉眷屬妓樂衆多圍繞愛樂嬉戲迷亂耽染恣縱淫逸恒不棄捨比丘應知觀察於彼勿生迷執應修施戒守護清淨能得諸天宮殿五欲父母親友珍寶財物皆悉具足及諸庫藏受用無盡衆所愛樂比丘當知有智之人能護淨戒能趣善道及能稱讚最勝無比寂靜安樂能離沈溺所獲根形勝妙

具足光明照耀稱歎無盡護戒最勝水火強  
賊不能侵毀護戒最勝能離卑賤趣向圓寂  
護戒最勝福德增長恭敬尊重護戒最勝美

名流布聞皆歡喜護戒最勝貪忿遠離煩惱  
輕微護戒最勝圓寂速證護戒最勝恒處人

忠六十三  
天護戒最勝成就三昧護戒最勝能息諸障

護戒最勝身心安樂護戒最勝堅固福德護  
戒最勝傍生遠離護戒最勝裸形棄捨護戒  
最勝園苑自在護戒最勝眷屬圓滿護戒最  
勝潔淨三業護戒最勝諸天適悅護戒最勝  
所願皆成護戒最勝恒值善友護戒最勝遠  
離飢饉及諸怖畏護戒最勝三災八難皆悉  
遠離護戒最勝譬如利器能斷不善護戒最  
勝寬廣自在離諸繫縛比丘應知護戒清淨  
獲如是等無量功德佛告比丘若復有人護

戒清淨諸天化生恒處摩尼宮殿樓閣園林  
浴池愛樂遊戲極妙境界觀察無窮自在無  
礙爾時世尊乃說頌曰

六根緣諸境 感業從此生 沉淪三惡道  
相續無間斷 猶如於野火 能滅諸柴薪  
根識緣於境 善滅亦如是

爾時世尊說此偈已告諸比丘若復有人毀  
犯淨戒趣求人天安樂勝報終不能得所有  
宮殿珍寶眷屬亦皆離散比丘應知若有智  
者護戒清淨捨離三塗恒處諸天七寶階道  
遊戲往來自在快樂珍寶無量見者歡喜最  
勝園林歡娛自在身光耀猶如燈燭經行  
宮殿種種殊妙勝報難窮不可稱歎爾時世  
尊告諸比丘殷勤護戒潔淨澡浴於一切處  
寬廣無礙天曼瓔珞恒自莊嚴天諸音樂相

續不絕受諸快樂於一切時上妙之境思念即至園苑種種華果茂盛又於一切若人若天恭敬供養清淨奉事是故比丘守護淨戒悲愍三惡受苦有情濟拔出離若復有人恒行惠施於諸有情困苦飢貧復離殺生廣修

志六

十四

衆善獲報天上遠離邪欲恒起正信愛樂圓寂不貪世間所有利名及諸酒色虛幻不實皆悉遠離於諸有情捨離毀犯及業煩惱爾時世尊乃說頌曰

果從業惑有如樹依根生感業互爲緣

相續無窮盡善惡因心造如影不離身

審毒互相和衰損亦如是

爾時世尊說此偈已告諸比丘若復有人諸天福盡衰相現前所有眷屬皆悉捨離如燈將滅光明必暗諸天亦爾當於此時福命欲

盡衆苦所逼憂惱纏縛恐怖無量身心逼迫起諸煩惱由此非久必當命終隨於宿業墮於三塗或處人中輪轉不息猶如枷鎖繫縛有情沉溺諸有不得解脫迷惑正信遠離寂靜親近惡友及結宿冤比丘應知如是三界輪轉諸趣皆由惑業不能伏除亦非省悟由此業惑隨逐有情焚燒不息猶如柴薪被火焚燒炎猛增盛此三毒火能燒衆善亦復如是比丘應知此貪瞋癡猶如大河漂溺有情令不出離又此貪等猶如縉索繫縛衆生不得解脫又此貪等亦如塵垢染汙有情不得清淨是故智者應當除斷若復有人護佛淨戒及行惠施捨離詔誑伏除貪癡漸令輕微了達諸法不起執著比丘當知若復有人貪等諸惑苦種若現不能伏除而出離三有

志六

十五

了達諸法不起執著比丘當知若復有人貪等諸惑苦種若現不能伏除而出離三有

諸苦譬如渴人飲於鹽水渴無由免比丘應知觀察無上解脫快樂趣向圓寂修習靜慮滅除諸染勿著繫縛墮落泥犁恒受衆苦違背正道天阿素羅悉皆捨離諸龍瞋怒非時風雨四時不順穀米不熟人民飢餓所有快樂皆悉遠離可愛宮殿及諸園林極妙境界壞滅非有庫藏財物皆悉隣散互相殘害迷妄顛倒而非省悟最上利益曾無修習三乘正法毀謗非有迷於三界妄執真實以爲究竟日月星辰亦皆妄計乃至一切有情所有罪福妄撥非有甘露正法不能了達恒生憎嫉猶如冤毒獸棄捨離比丘應知愚迷有情於諸世間苦中執樂不淨計淨歸依邪道妄執最上極惡之處愛樂修習於無常等不能了達妄計邪法以爲最上愛樂決定精勤修

習義利非有不免輪迴苦澁恒時智者觀察不應迷執了達虛妄顯現是非悟省醉迷令心不亂時諸大衆圍遶世尊聞法歡喜娛樂慶快繫縛捨離瞻仰如來目不暫捨爾時比丘乃說頌曰

譬如蘇彌盧 莊嚴四寶成 七金周圍遶  
八海湛然清 世尊相無比 理智離言詮  
萬行因修滿 三身果德圓 人天瞻仰望  
願說宿因緣

時諸比丘偈讚佛已白世尊言欲色諸天形量福德差別有殊願佛演說利益未來爾時世尊告諸比丘善哉善哉應當諦聽吾爲汝說若復有人奉持淨戒善護諸根令無毀犯忠大十六說三業清淨於諸有情悲愍饒益勤修方便捨離散亂趣求靜慮於所修因勝劣不等有上

中下果感亦殊乃至外器宮殿莊嚴高下狀貌隨宿因緣皆悉有異佛告比丘由護淨戒及行惠施恒處諸天捨離諸垢所有纏縛伏除不起於彼諸天內身外器愛樂趣求不生毀謗破壞眾離命終之後決定生彼獲報勝

劣隨因有異比丘應知護佛淨戒諸天宮殿恒自快樂護佛淨戒捨離諸苦解脫無染護佛淨戒天曼瓔珞恒自莊嚴護佛淨戒烏鉢羅華妙香遍意護佛淨戒極妙境界悅暢無盡護佛淨戒龍天八部恒時助祐護佛淨戒衆寶莊嚴離諸垢故護佛淨戒種種天華色妙開敷隨心自在護佛淨戒微妙香風悅意無盡護佛淨戒房室園林慶快隨意護佛淨戒獲於種種摩魯迦華瞻波迦華計多迦華出妙香氣最上無比恒現在前護佛淨戒遠

離諸橫護佛淨戒善種增長護佛淨戒犯戒之緣皆悉遠離護佛淨戒圓滿忍行護佛淨戒妙寶階道成就現前護佛淨戒工巧種種及可愛具悉得成就比丘應知護佛淨戒於當來世獲果如是猶如畫師世及出世種種形像皆能成就護戒亦爾於當來世所有一切隨意成就若復有人毀犯淨戒於當來世沉淪惡道受種種苦捨離人天可愛之境亦如彩畫風雨煙塵而能破壞貪瞋等垢能壞淨戒亦能捨離世及出世可愛之果復次比

丘貪等諸惑能壞有情所有善業亦能增長諸不善業如世之火猛炎增長能壞柴薪比丘應知有情根識攀緣六塵迷惑不了虛妄執著境界纏縛起於貪瞋諸業隨生輪轉諸有受苦無量不能遠離貪欲諸毒愚迷不了

貪火盛猛損壞衆善及諸可愛宮殿林池衆妙果實悉皆散壞擺娑羅邊勝妙福報珍寶無量庫藏盈滿娛樂自在父母眷屬福德最上世所希有快樂無礙比丘應知若復有人修習檀度於當來世財物具足離諸損壞檀度最勝快樂自在檀行最勝福報隨形如影不捨檀行最勝人天可愛莊嚴歡喜檀行最勝能離貧乏檀行最勝慳惜不起檀行最勝能伏愚癡出離三塗檀行最勝見者歡喜檀行最勝諸根無缺檀行最勝傍生樂見檀行最勝遠離愛憎檀行最勝邊地不生檀行最勝諸天快樂檀行最勝離苦縛縛檀行最勝超越輪迴檀行最勝娛樂自在檀行最勝能趣三乘究竟解脫復次比丘應當觀察輪迴諸苦衆多逼迫應當厭離審諦觀察彼非究

竟無常敗壞如夢如炎芭蕉非實乃至色界及無色界所有境界虛幻不實而非究竟應當厭離不應封著妄為最勝令心愛樂佛告比丘圓寂安樂遠離諸相體非一異亦非三世彼此俱非離諸繫縛究竟圓滿汝當趣求勿應棄捨自在無礙寂靜無染應當速證

妙法聖念處經卷第四

音釋

險隘險虛戒切危也懶快懶力董切快也  
也不調瘡痘瘡於金切痘鳥下切鉤計切龍快多惡郎  
也鷺病就切瘡瘡病不能言也鉤古侯切  
裸大鳴也枷鎖枷古牙切鎖蘇果切鉤鈞鈞也  
也枷鎖也枷鎖枷古牙切項械也鉤鈞鈞也  
赤體赤體也枷鎖枷古牙切銀鏹也鉤鈞鈞也

妙法聖念處經卷第五

第六同卷

忠七

宋西天印度摩加陀國那爛陀寺三藏傳教大師鳴紫沙門達摩詔譯

飛鳥演說言音令人樂聞爲彼天子即說伽陀曰

爾時天主帝釋而白衆言汝所作善守護增長如意歡喜即說伽陀曰

三種善作已

忠七

三種三因緣

三位次三地

三德三大果

不殺施最上

此法汝愛樂

得真實忍辱

獲生一切天

隨身有宮殿

快樂受無極

若人好不善

生處無安樂

邪法被增纏

云何而出離

作此人天善

熏修本識中

彼業感果時

得生人天界

於彼生愛樂

心自住安樂

爾時天主帝釋而復白言汝等具大福德獲生天界受天快樂隨其福果勝劣各異若種種作福熏識身中後生天界得種種快樂如是一切林木華果悅適人意入彼林中彼天

善來汝賢敏宿習於上善堅持七律儀成就最勝果生彼天界中受天快樂報廣持於禁戒得離沉淪苦由戒清淨故感天勝妙池隨意而洗浴復雨紫金華散布於身上及彼功德池以彼戒種子念念爲防非天中上妙樂隨意而受用若人意決定守護於禁戒生彼天界時快樂無邊際以此戒莊嚴得趣善逝果而受解脫樂破戒罪惡深如刀及火毒是故堅持戒而修施法財遠離於毀禁業有上中下因果亦復然今成勝報身常戴光明鬘受天種種樂皎潔身無垢若人造惡業苦果自纏身展轉受沉淪

生死無窮盡 汝既來生此 受天衆娛樂  
出遊諸園苑 勿著於放逸 逸蕩過失深  
如來常說此 是故放逸者 三毒中最上  
精進如甘露 心頂自清涼 永超生死輪  
究竟菩提岸 忠七 彼時我如來 演說微妙言  
雖我速修行 莫著顛倒想 二 若有違背者  
貪等諸惑生 斷彼解脫緣 漂沉諸苦海  
爾時天主帝釋速疾往彼善法堂中諸天妓  
女及一切天衆皆來善法堂中到已娛樂種  
種遊戲于時天帝觀察娛樂而知天衆虛妄  
耽著增長煩惱即說伽陀曰

虛妄境界中 貪愛而無足 有情迷執深  
增長諸煩惱 被境縛根識 忠七 如毒藏在食  
於後若消時 迷悶無安樂 無前後中間  
非今世後世 因緣會遇時 業報誰能避  
微妙香蓮華 種種生峯頂 最上適意寶

爾時天主帝釋說此伽他已而復告言假使  
少年強力未必長生四相推遷速歸散滅顯  
現快樂無實自性樂受盡時逼迫身心無暫  
安隱汝等勿得信任癡迷愚惑詭誑若於一  
切境界染著不足後致大患譬如有熾火焚燒  
草葉貪著境界增諸過失亦復如是被煩惱  
火燒煮身心棄背正道衰相現時墮落天界  
是故我今教化汝等割截煩惱去除迷惑一  
切天衆自此恒作利益於最上行法志固修  
習後得寂靜最上安樂汝今勿得慢易速作  
忠七 良田於當來世而得最上報應適意無盡若  
作惡業種種隨身墜墮天宮沉淪惡趣一切  
宮殿樓閣悉皆隱沒爾時天主帝釋見其天  
子須臾命終墮於惡趣而說伽他曰

處處作莊嚴 流泉與浴池 雜色華果樹  
及紫金劫樹 靈鳥群集上 常出微妙音  
悅樂諸天衆 無垢瑠璃寶 間雜金色光  
最上妙樓臺 莊嚴恒適意 群生不遠離  
寧知是幻化 如泡如水沫 如電如浮雲  
亦如尋香城 須臾即散滅 虛妄若生貪  
墜墮輪迴路 癡愛毒如火 焚燒於善根  
減損於天衆 去一切菩提

又復告言若天愚癡愛人誑惑爲天阿素洛  
羅刹等之所降伏後墮地獄復爲龍蛇遠離  
諸天長處三界如繩繫縛而不自在若離癡  
愛明了通達利益有情歸依佛道永出世間  
斷有愛支得一切智平等無礙得三解脫證  
悟苦空到真實際遠離輪迴不受後有色香  
味觸而不染著時彼天帝見多天衆念念無

常增諸過失深悲愍發誠實言而說伽他  
曰

如是天道終 沉淪百千劫 猶如旋火輪  
生死何窮盡 見他受無常 不觀於自己  
後自命終時 違害亦如是 若捨垢穢心  
不著於境界 生死莫能侵 常住真寂樂  
戒行若違犯 如醉飲藥毒 非天魔死軍  
纏縛誰救濟 微塵塗面上 自心何知見  
命謝卧林間 誰悟從貪愛 若生於貪愛  
同住苦無常 永處於生死 現離於安樂  
四譬如暴惡風  
大惡不斷除 輪迴從此得 賦愚招墮墮  
能吹山頂葉 自業得生天 娛樂果自受  
潔戒不愚迷 安樂自充足 貪愚招墮墮  
如火而起煙 後自墮泥犁 業報亦如是  
爾時有天名烏波饑踰宿善業力生忉利天

彼有苾芻爲其天王而說伽他曰

若作種種業 處處妄攀緣 以心迷惑力  
一切業成就 前心最勝故 後心相續生  
無間引生彼 三界因無盡 一切業報身  
離心不可得 是故降伏心 當獲無盡果  
汝速勤修進 調伏離執迷 滿善得隨心  
究竟獲安樂 心若恒調伏 永不增諸過  
智者善伏心 諸苦不能害 若心得彼苦  
苦苦後相續 一切境界中 而得輕心報  
天人阿素洛 龍鬼羅刹等 不離於一心  
心爲三有主 三有自心生 地獄與人天  
隨心生罪福 流浪任漂沉 壞善因迷境  
愚癡貪愛生 住苦廣無邊 沉溺而難出  
難調心力大 奔馳速若風 天眼勿緣形  
識相皆如是 智者善調伏 遠離魔羅縛

超度生死河 速到於彼岸 疑惑不正直  
無底惡難止 一多微細行 不住剎那中  
行相密難窮 無身一切處 世間誰牽引  
往者復是誰 藏伏甚法中 造作於身業  
雖見行表差 莫覩相應法 云何調伏難  
無色無形相 善惡作雖見 譬如幻化士  
往復誰能覩 牽引於群生 本性狀難窮  
利劍不能截 猛火燒非斷 諸趣恒流轉  
業力相如是 業繩而堅固 繼縛於群生  
三性而不恒 須更善非善 亦復捨受俱  
攀附六根門 妄求於塵境 染著世間故  
不悟生滅法 如鏡唯照前 而不鑒於後  
爾時天子聞彼苾芻說如是事昔作純善今  
獲勝身而說伽他曰

昔修靜妙心 慎護於戒行 以此微妙因

得住安樂道

善護持戒者

防非發律儀

當得斷諸惑

證圓寂滅樂

戒有大威德

能超諸有苦

乃至命謝時

無彼惡道畏

惡道無能救

戒力救最上

若有持戒者

萬善皆依怙

後果得生天

永離諸險難

佛法聖衆師

三界咸尊重

爾時諸天子等五體投地歸命作禮生尊重  
心彼時天主帝釋倍生忻慶歎美至深而說

伽他曰

解脫貪瞋毒

群生親道友

能到於彼岸

我今歸命禮

降伏愚癡失

無爲無比等

一切衆所尊

我今歸命禮

時彼天中有諸飛鳥或在空中翹翔上下或

集寶池嬉戲水內有諸天子樂逸縱蕩與諸

飛禽同共遊行耽樂欲樂不怖惡道爾時苾  
芻爲彼天子宣說伽他曰

傍生耽欲樂 遊戲恣愚迷 天衆亦復然

等彼飛禽類

正教師宣說

汝等心顛倒

不怖於罪業

耽樂著世間

若天有罪業

墮墮於地獄

業力如是毒

智者常遠離

薄德少慧人

但觀前欲樂

不復返思惟

成就諸苦果

若有智慧人

照觀一切惡

求斷諸惡業

利益於群生

罪業生諸苦

勝因得離縛

善惡行不同

報相亦復爾

迷苦妄爲樂

求安不可逢

具智勿爲非

不久至寂滅

善修諸業靜

巧便集善根

三昧自現前

速到無生位

勿復戀傍生

遊嬉於園苑

懈怠轉增多

後墮飛禽類

若復無少智

善惡業不分

餓鬼阿素羅

地獄亦如是 於業能分別 於報亦通達  
彼於諸業中 深窮垢靜相 畫夜常精進  
思惟三脫門 永不墮泥犁 究竟獲安樂  
天子汝當知 自樂自善成 自惑生自苦  
苦樂不離心 於過應遠離 染著諸塵境七  
一法捨盡時 不得生天界 殺盜婬妾毒  
常爲惡道友 燒煮如炎火 智者應觀察  
縱逸癡所盲 不覺死王催 沉淪於地獄  
苦惱而無極

爾時彼天有百千天女色相端嚴隨意自在  
於彼林間歌唱遊戲彼有飛禽知天宿善而  
說伽他曰

勤修宿善業 今復得生天 若行非善因  
而復沉惡趣 業報既決定 諸天皆平等  
安樂非安樂 汝等今當知 愛染爲害本  
業繩隨繫縛 輪轉而不窮 還因業繩力  
上至非想處 下及於三塗 往返疾如風

生數復如雨 諸趣而循環 無始長如此  
若人心寂靜 如水湛然清 離礙如虛空  
而獲最上樂 五識緣塵境 三惡業相牽  
一法捨盡時 不得生天界 殺盜婬妾毒  
常爲惡道友 燒煮如炎火 智者應觀察  
真實忍辱慈 出世善良友 親近若修習  
當得三天果 制伏邪亂意 慎護觸等貪  
後有定生天 成就白業果 若於生死業  
而不求解脫 疊魔殺鬼來 云何得遠離  
爾時天主帝釋而復白言若有衆生不怖諸  
惡於一切處心所染著以染著故隱沒智慧  
妄言綺語虛誑邪詔惱亂有情棄背正教親  
近邪師不孝父母乃至善根間斷業繩繫縛  
如箭速疾死入地獄種種治罰受諸極苦無  
有休息汝等從今於生死罪緣速須棄捨莫

復貪著於自身命分限短長審諦觀察有爲  
諸行刹那生滅何得久住如水浮沤如鏡影  
像如電刹那如雲散滅若天福盡樂受捨位  
一切衰相不覺現前逼迫身心如何當忍是

故我今宣示言爾汝今當須勤行精進忍辱

忠七  
柔和慈愍有情守護六根修行四諦不取怨  
親而修平等智慧增長深入義味背妄照真  
導引禪定業惑盡時後有不生得俱解脫爾  
時天主帝釋欲重宣此義復說伽他曰

如是十二處 六境及六根 識等生滅時

相應成妄想 智者善修心 不住色等法  
而入寂靜門 湛然無一相 勸求寂靜故  
不墮魔羅界 以此靜妙心 恒時而憶念  
若行如是慧 惑苦云何生 於其三世中  
自在無驚怖 煩惱縛自解 罪垢不可染

慧眼得圓明 常住真寂行 天身大快樂  
尚被罪垢摧 云何人愚迷 廣造十惡業  
若人修智慧 了達罪福因 怖業若死侵  
永出苦根本

爾時帝釋昔聞世尊所說惡趣之事即爲天  
衆宣說佛言若人得脫生死罪根常值善友  
植諸善本若生天界受妙快樂宮殿莊嚴報  
應無量若不怖惡道貪著娛樂福業盡時必  
當墮落譬如燈燭須假膏油膏油既盡燈炎  
忠七 即滅如是墮已而被業風急速吹轉往返世  
間輪迴不止若諸智者正定相應無明業繩  
不能牽動譬如藕絲牽妙高山而不能動爾  
九 時彼天聞於天帝說是法已即說伽他讚天  
帝曰

汝今說此法 息除一切障 我依天帝語

安住無怖畏 與彼諸群生 而作慈悲父  
宣示涅槃城 令彼得利樂 法本無分別  
天帝善能宣 今遇正教師 得至無上道  
爾時天帝又復白言世間財物勿生貪著若  
人捨離智慧出生若復愛著破壞善根七種  
聖財漸漸隱沒經百千生沉淪惡道又復世  
財而不堅久水火盜賊王等勢力皆可侵奪  
若彼法財水火等災終不能壞汝諸天衆雖  
有勢力諸根具足身帶光明衰相現時生其  
愁惱墮下虛空過百千踰繕那入其惡趣爾  
時帝釋即說伽他曰

如汝大快樂 富貴不可量 衰相若現前  
決定沉惡趣 如現所作業 隨業果復生  
業相善殊勝 異熟果亦然 業有上中下  
善惡品類同 成彼有報時 勝劣亦如是

汝等審思惟 色力身最上 生滅未能逃  
云何而不墮 謂如麥等種 而被大火燒  
隨燒即破壞 云何芽得生 浮虛假偽身  
四相遷流速 如燈而生焰 不住剎那中  
心相亦復爾 虛幻無真實 恒被漏隨增  
云何得安樂 奢捨於妄境 勿自愛其身  
決定脫輪迴 速至於彼岸

爾時彼天有其飛鳥而復說言我等今者居  
鳥鉢羅林於其林間有大浴池多生紅蓮長  
時芬馥鳥身翅翼諸色間雜狀如七寶眼有  
光明言音妙好於彼林中長時戲樂觀察天  
子耽著迷醉即說伽他曰

我恒耽喜樂 天人愛亦然 天雖與禽別  
愛染而無二 不能守行法 云何得解脫  
天等若如是 飛禽何所別 今復告汝等

勿著五欲樂 而修勝法行 當得大解脫  
生老病死苦 永不害其身 天與禽類身  
平等獲善利

爾時天帝又復白言若有智者離垢清淨世  
間罪染普偏此天亦不能著何以故爲彼智  
者於生苦因緣而能解了又於彼天朋友知  
識恩愛眷屬無所戀著汝等諸天癡愚貪染  
不離輪迴與彼飛禽等無有異復有衆生耽  
著飲酒得罪甚多所以者何爲彼有情心識  
迷亂破犯恒多酒力雖消業報不滅於五趣  
中輪迴不絕於一切罪中最爲增上乃至於  
俱胝劫流浪不絕沉淪惡趣煩惱纏縛佛所  
宣說爾時彼天帝釋園中有妙法堂種種珍  
寶殊妙莊嚴時諸天衆詣彼堂中彼時帝釋  
觀察天衆而說伽他曰

我等諸天衆 過去修微善 獲生天界中  
若天報應盡 定墮於輪迴 業力難思議  
牽引於衆生 三界五趣中 處處而出生  
汝等勤精進 審諦細思惟 生滅須臾間  
云何不省覺 怖畏邪險路 而依衆律儀  
堅固七覺支 勸行八聖道 善住於五根  
增長於五力 四念與正勤 及彼四神足  
如是而不退 必至涅槃城 恒受寂滅樂

妙法聖念處經卷第五

妙法聖念處經卷第六

宋開中印度薩迦國那爛陀寺三藏尊教大師賜紫沙門法天奉詔譯

於罪不怖畏　被人無智慧　後至命終時  
苦惱恒燒然　周徧天界中　墮落誰能見  
彼恒貪婬樂　於此莫能知　婬欲生虛誑  
迷惑於有情　牽引落三塗　如繩而繫縛  
生滅恒如是　有情須自利　調柔身口意  
煩惱勿令生　法境等須息　一切著婬者  
增癡墮無常　不覺欲火燒　遠離於親眷  
朋友善知識　骨肉并眷屬　大苦死來時  
波吒何能說　初至無常位　如山忽倒摧  
須臾不可停　剎那而滅謝　若處一切智  
無罪無輪迴　究竟出苦源　諸天恒愛樂  
欲海深無底　何能有足期　增長愛貪心  
如酥油灑火　種種莊嚴貌　破壞出世因

法轉四趣中　人傍地獄鬼　生死恒無間  
往復如陶輪　群品大愚癡　不了煩惱性  
若彼諸有情　永離於貪愛　當獲最上因  
解脫無繫絆　智者除煩惱　諸苦病不侵  
降伏於貪瞋　長獲安樂道　生苦不能染  
羈索不能縛　<sup>忠七</sup>智慧漸圓明　照知一切事  
若於圓寂理　而起無相心　離垢絕囂塵  
究竟到彼岸　於彼苦樂境　洞然無所得  
而入大解脫　常住空寂舍　復起慈悲心  
愍念有情故　示苦智真如　遠離於羈索  
令意斷疑慮　永除於貪愛　解脫苦惱怖  
獲得最上慧　悟彼集散空　設壽八萬劫  
亦復墮無常　此可恒安住　天界永無失  
見惡而生慢　於罪不思惟　愚迷無方便  
恒求於快樂　喻如砂聚中　求油終不得

若作罪業行 恒常而逼迫 苦樹罪根深  
一切惡生長 我說此真如 定爲法非法  
彼意恥作罪 後復無煩惱 利益廣無邊  
獲至真如際

若復愚迷於佛言教而不信受後至無常自  
得苦惱經無數百千俱胝那由他阿沒那等  
破壞人天無常罪火決定焚燒此不盡劫瞿  
曇告言天復云何而得久住喻如水沫芭蕉  
無有纖毫真實幻化非久若恒愛此快樂無  
有是處爾時彼佛問彼天衆知此義不天意  
歡喜如聞五樂多獲快樂得五功德而復說  
言彼有飛禽名曰嬉戲能善說法爲彼天衆  
即說伽他曰

有欲愛不足 無因人意足 發起不足心  
如是無知死 一切衆生界 形類有多般

忠士十三

歡喜如聞五樂多獲快樂得五功德而復說

長遠時分中 不能修方便 永不受安樂  
決定墮輪迴 恒處於地獄 生生亦如是  
若實宣說帝釋境界富貴殊勝異於諸天於  
此輪迴亦不能免決定無常乃普偏天上未  
有微妙之處可避無常而皆墮落是時天帝  
善解法相名橋戶迦爲彼天父種種精進說  
多因行而諸天衆猶不省悟誰能樂修靜行  
遠離罪垢唯縱愚迷心著放逸於斯教誨而  
不受持久遠無邊云何不覺彼諸愚人樂作  
惡因於彼後身而被罪惡種種破壞寧知惡  
業隨眠纏縛爾時苾芻而說頌曰

若行善利以其卧具飲食衣等供給供養  
尊卑之衆不爲自身而求福利或觀自身  
誰作主宰乃遇惡境作罪冤家固來欺陵  
而起真實離相忍辱智者審觀都無病痛

苦惱之難 唯有現在不淨之物 作如是身  
而復此身 刹那不住 盛壯亦然 破壞何身

衆生迷醉於自財物 不作利益增長罪業  
不受教命 亦不行施於一切處 心不受用  
賊等窺壞 云何護持 若心迴向 布施師等  
彼財殊妙 而復棄捨 如棄草木 心不愛著  
貧劣有情 恒行救度 離垢無著 今世後世  
獲七衆戒 救度最上 戒護於人 當生天上  
智慧廣大 彼能截斷 一切煩惱 痘等枷鎖  
過大險惡 輪迴之橋 到彼堅牢 涅槃彼岸  
忠七 心靜離垢 得無生忍 喻如擔負其物輕少  
遠出長途 而不疲乏 若人擔負惡業輕少  
遐歷世間 而不沉沒 又如飛禽兩翼壯健  
高往虛空 速疾可到 若人持戒 守護堅牢  
欲往生天 亦復如是

復有飛禽名現真如住彼白山而能觀察即  
說頌曰

喻我形色 不住刹那 快樂亦然 愚迷不覺  
若一切類善相多般 輪迴生時 定隨破壞  
彼福破壞 一生亦然 死王得便 罪意何免  
恒行快樂 無財黑繩 摧壞有情 無病強力  
安樂遠離 死王近來 近則心迷 群生命壞  
罪破長時 天人輪轉 不覺根迷 遠離安樂  
墮閻羅界 方知業果 快樂刹那 而身衰朽  
悅諸塵境 不覺貪著 快樂受盡 老死王侵  
諸根對境 戀著不足 彼後無常 自生煩惱  
若無慧燈 照見塵境 受行境界 執我分別  
樂著虛妄 欲火恒生 境力如風 吹欲火盛  
智覺真如 思惟成妄 一切愚迷 嬉戲不覺  
恒行境界 吹於欲火 天人行欲 墮彼天界  
忠七

彼具天德 實得天樂 衰相現前 不壞何往  
刹那不住 念念生滅 暫住非久 彼命如是  
此境屬他 一心不覺 五德天樂 壞苦速離  
帝釋天王 抖擗煩惱 三障垢靜 歸依三寶  
三業廓然 悟得最上 三佛菩提 雖生罪地  
罪垢不染 留心作善

彼有琰魔獄卒 爲彼衆生而說頌曰

意懷貪欲 嫌棄善緣 不離輪迴 得此苦果  
不依天行 而作罪因 彼後無常 反恨作惡  
利刀割體 猛火燒身 猶未爲傷 五根得罪  
苦不可忍 眼觀美色 如實得樂 寧知恒苦  
聞聲耽味 其過亦然 作罪冤家 是故捨離  
彼三冤家 纏縛罪人 破人安樂 貪癡和合  
遠離戒品 因墮地獄 若行戒律 後得福善  
若違戒律 後得煩惱 飲酒殺命 離他婦女

邪見兩舌 不守威儀 縱情放逸 破壞有情  
因沉惡道 貪著邪行 而復惡口 今世後世  
無彼安樂 遠離惡人 親近善友 滅此罪根  
不信此業 無得業果 無衆安樂 惡果根本  
煩惱後燒 若作妄語 本非法師 我解深法  
彼後無常 得魔業果 轉此人身 而生惡趣  
是故如來 說此無明 一切貪欲 何得快樂  
知足無貪 身離煩惱 欲生快樂 是名快樂  
解脫相應 得最上樂 若貪快樂 如毒和水  
解脫快樂 如乳和水 欲火燒害 愚盲不覺  
又復貪愛 度量財利 酷賣酒肉 得財無數  
心猶未足 無常殺鬼 速來牽引 若耽欲樂  
樂住境界 得不快樂 如來說此 夢覺法喻  
如乾闥城 如空無實 如水上沫 如芭蕉堅  
如彼火毒 欲境亦然 若味因果 知欲過罪

不迷真如 成就智慧 獲靜思惟 去其貪愛  
苦惱不生 壞欲亦然 欲為罪主 如世毒藥  
彼意不足 隘落天界 復墮地獄 欲賺愚迷  
喻彼懸河 亦如電閃 世間毒力 莫勝女色  
思想欲增 如火熾盛 是故智者 離欲寂靜  
無前無後 亦無中間 如如而行 增長亦爾  
彼得欲苦 等觸大炎 知如是過 智者遠離  
速離欲故 定得安樂 無數百千 那由他天  
以欲行故 墮火毒獄 器仗治罰 其毒如火  
遠離快樂 不行欲因 如上地獄 不見不聞  
若貪欲人 斷其欲貪 亦無苦惱 是故無垢  
得意清淨 於一切處 滅欲火炎 入彼種種  
最上善業 彼行無染

爾時帝釋觀察飛禽住莊嚴樹色 喻檀金彼  
法因果正見善業而說頌曰

正見善業如彼大樹 麗茂金色 種種莊嚴  
智者所說 如善果報 處處出生 不善若善  
得彼人身 復行善業 得生天上 不善亦然  
下沉地獄 欲迷善意 而復不得 最上良藥  
若知果報 意不愛欲 衆生境界 迷醉味著  
若恒行貪惡定同生 女生煩惱 十七 如世間火  
若此火生 煩惱如是 女人煩惱 生衆生心  
破壞世間 一切法滅 為地獄因 大仙所說  
女人姦媚 口甜心毒 情愛不恒 愛戀須臾  
棄背亦爾 彼性浮囂 可喻掣電 詭詰有情  
詐行恩愛 天人龍鬼 羅刹眷屬 境界亦爾  
女人鄙惡 譬彼黑毒 種姓不擇 勢力不顧  
愛恚不恒 性如風火 唯慕財物 殊無終始  
如有險難 嫌棄遠離 如是富人 彼即愛樂  
若住貧賤 急急離別 譬如遊蜂 花卉芬芳

競來採食 若樹乾朽 一切遠離 無財亦然  
女人遠離 女人黑暗 心縱顛狂 破壞勝因  
罔知良善 如女人縛 天縛亦爾 若值女縛  
定墮地獄 若貪女色 貪中第一 若有衆生  
雖曉欲業 而猶耽著 是故無知 迷人不覺  
又復女人詐吐心誠 感他信已 身雖同處  
心則差殊 損壞有情 毒如蛇蝎 方便多求  
一切養育 女人行德 而不能爲 如是自性  
殊無測度 智者不著 心恒決定

忉利天宮有善法堂爾時諸天會善法堂有

如是散亂者飛禽爲彼而說頌曰

譬如飛禽隨其自性 樂獸不同 而有二種  
一見蓮華而復樂著 若見林野 而自獸離  
一見林野 意欲樂住 如見蓮華 却思遠離  
衆生亦爾 林如靜善 華喻欲貪 知者樂林

而深適意 天人顛倒 反慕蓮華 如出暖日  
能去大寒 解脫之樂 亦復如是 貪中生苦  
樂謝何安 智者不迷 而求解脫 於一切處  
爲最上樂 住牟尼林 能善觀察 住意無貪  
天人最上 住此欲貪 而不久遠 若行無貪  
樂中最上 居林寂靜 行中第一 一切苦斷  
志七  
受甜惡行 言賺有情 適意林巒 宜善觀察  
心善觀察 恒處安樂 心行無貪 樂處林野  
彼人樂林 心恒純善 離欲無貪 得寂靜樂  
若人煩惱 怖見林間 貪愛倍增 而自燒煮  
棄背貪愛 無垢清淨 心定生生 常獲安樂  
如具富貴 福盡成空 盛處少年 老侵頓易  
一切恩愛 定有別離 一切有爲 和合暫爾  
此世間法 正覺正說 若覺愚迷 捨愛知足  
入寂靜林 獲最上樂 術已俊利 思愛多方

遠離善林 永失利樂 林間默觀 寂靜相應  
適意無貪 善心成滿 是故聚落 散亂恒生  
若處山林 離諸貪愛 汝意速疾 獵離愚迷  
最上靜林 相應住處 心行若靜 永離煩惱  
行若相應 善根增盛 假使有人 得千帝釋  
報壽若終 亦歸生滅 恒行貪欲 一切不見  
被欲降伏 而生衆苦 欲愛之樂 須臾暫住  
不久即滅 心如怨家 能離彼樂 彼欲無得  
煩惱苦果 皆從欲生 解脫生樂 彼樂真實  
於善逆行 緊任相應 離欲無貪 穫樂無盡  
五欲之樂 先甜後苦 樂相壞時 而沉地獄

忠七

十九

無貪之善 初後中間 離垢清淨 受樂無窮  
是真善母 愚迷欲樂 云何離彼 過失恒生  
中後深苦 罪行云何 不見快樂 喻如世間

有其毒華 其色鮮艷 其體有毒 人若觸華

毒害於身 罪行欲樂 其毒亦然 又如當風  
執彼火炬 亦如飛蛾 投其燈炎 欲樂之火  
燒害亦然 是故欲毒 恒須遠離 天著欲故  
積惡虛生 人慕愛貪 愚盜罪行 是故欲火  
焚燒善根 賺失天人 沉斯惡趣 若未命謝  
速迴心意 於一切善 修令增長 食等惑亂  
三過生塵 三毒作一 罪網猶大 若起三惑  
相續不盡 歌舞娼妓 耳目順情 天意如石  
而被牽動 一切欲境 蓋覆靜心 沉溺愛河  
無時超度 天何愚迷 欲賺不覺 譬如毒樹  
開其毒華 蜂蛾採食 毒殞其命 貪欲之毒  
損害亦爾 而墮三塗 如火燒木 天人不覺  
生此罪地 受苦終盡 方離泥犁 天人愚迷  
不思作善 罪惡境界 彼無一信 智者審觀  
真如幻夢 愚人非夢 爲地獄因 是故離欲

得解脫善棄背惡行利益善因彼利若行  
永離諸惡天無黑行彼有智者正見決定  
不樂散亂獲種種福

爾時世尊教受天子行不散亂行而說頌曰  
天人宮殿散亂之根迷醉樂著而墮輪迴

若離散亂輪迴亦脫彼散亂根即是無明

自性黑暗如人無眼我觀彼過迷火不別  
愚癡深廣散亂亦然衆生愚迷積聚財寶  
而自育養復更散亂墮墮惡趣天亦愚癡  
愛著女色本望離苦悅意快樂寧知命殞

卷七

二十一

得大苦惱集欲之樂不久即散一切衆生

業壽有限少壯剎那即當衰老善惡業縛  
誰得自在譬如樂主撲弄木人須假線絲  
方成作用有情亦爾須假惑業方處輪迴  
若離愛貪則無作用非久業行智者不信

遠離一切散亂方便若離散亂不生三界  
譬如有人墜墮深崖其中猶有不失命者  
若人散亂墮三界崖其中未有得出離者  
一切惑業散亂最上於晝夜中恒不安樂  
若世間人纖毫散亂破壞有情出世之意  
是故遠離

彼世尊坐如實說已天主帝釋發尊重心敷  
其坐具頭面禮足起立合掌見伽他書心生  
怖畏頌曰

若不散亂如彼甘露若行散亂而墮無常

不散亂人天中最上散亂之行輪迴之根  
清淨之行安樂之本是故正定於一切處  
獲最上樂若於欲樂如怖極苦散亂大毒  
同壞衆善迷惑散亂人行惡作不從散亂  
能得安樂若彼智者平等宣說德與無德

卷七

三

一切執我爲苦樂根如我世尊伽他書典  
離欲清淨獲益安樂

妙法聖念處經卷第六

音釋

妙法聖念處經卷第七

第八同卷

忠八

宋西天中印慶摩伽陀國那爛陀寺三藏傳教大師釋紫闍門徒奉詔譯

爾時有飛禽名未曾有見彼行不散亂而說  
頌曰

貪瞋癡意 恒爲罪友 爲地獄種 貪瞋癡心  
恒行罪人 落三塗崖 五入 彼後方覺 貪瞋癡毒  
無得不怖 智者制伏 不令散亂 若縱貪癡  
飲酒妄語 殺生偷盜 無信因果 意瞋惡業  
而不防護 天上不生 而沉惡趣 恒行欲愛  
愛具大力 役使有情 慢懶懈怠 恒無彼善  
又如雲翳 障智慧眼 於其戒律 多諸缺犯  
設得人身 而獲下劣 若意住罪 黑暗無邊  
若意住覺 如晝大明 如是衆法 佛所宣說  
天生散亂 如酒迷醉 彼散亂故 如行地獄  
輪轉人間 皆得滅壞 如是決定 生實無常

散亂障重 隘境界海 成枷鎖因 天多嬉戲  
彼生若盡 永絕快樂 天不思惟 心生散亂  
改轉善根 深著樂境 心猶不足 天人不知  
爲苦惱本 無莫護多 無須更頃 無剎那間  
不被愛降 欲境間斷 百般不悟 天恒受用  
耽著放逸 被欲降伏 如地獄火 焚燒有情  
而不揀擇 欲火亦然 焚燒天衆 亦不揀擇  
又如餓鬼 口出火炬 燒彼飲食 傍生之類  
飢火亦然 天人自作 如是欲火 普偏世間  
焚燒一切 有情不覺

彼有飛禽名具足德覺 彼散亂善不能行後  
墮彼天而說頌曰

善業斷盡 此壽刹那 衆生調伏 人得最上  
一切少年 須臾命盡 一切富貴 須臾破壞  
天人不恒 富貴不恒 刹那不住 勿作亂意

是故早行勤修利益護律儀法寂靜理處  
塵過不生天何不見意若散亂行法不恒  
此去不迴快樂亦然守護戒根天人快樂  
彼諸衆生若無此戒後必煩惱是故戒行  
如是恒行樂中<sup>志八</sup>最上後戒清淨而得大果  
愚人無戒不生天上若天行欲散亂迷毒  
於五欲境受其快樂心不思惟一切不久  
彼命破壞無數百千那由他天迷欲散亂  
被五欲火置害焚燒一切散亂人所樂著  
彼後無常得果方覺心馳境界動極大苦  
得苦見迷心著愛境苦惱不知苦惱續生  
於後悔恨煩惱疑惑從境界生我心無知  
行輪廻行那覺輪廻隨逐人心互相愚迷  
展轉三界智者證真見輪廻住無常苦空  
彼苦非有若耽女色恒行欲染彼後不見

諸天境界汝非法行惡中最上一切世間  
無別救者唯如正法是故依法法若遠離  
人樂非法非法既作苦火熾然永離天界  
善業滅盡不覺墜墮思彼快樂無常無有  
業繩繫縛誰有安樂貪愛轉增牽入惡趣  
永離天上

爾時帝釋見諸天衆受百般福德而大驚怖  
即說頌曰

作善快樂天受善報天人上因彼作前善  
如日行空明照世間無二重輪其智慧光明照邪暗亦復如是而無二種欲往天宮  
志八明照邪暗亦復如是而無二種欲往天宮  
行悲愍行悲與群生爲出生母依憑斯善  
人生天上又復悲心饒益利樂一切有情  
得天愛樂悲者恒善一切衆生及諸賢聖  
普皆歸命又復行悲如清涼月去彼煩惱

炎苦之熱 是故悲心 為快樂本 一切欲心  
天人業生 於其色聲 香味觸法 攀緣不足  
苾芻觀察而說頌言

譬如劫壞 日火盛時 大海江河 普皆乾竭  
眼識根等 觀攀色境 經彼俱胝 百千萬劫  
貪癡欲海 而不能竭 人之貪心 勝龍不足  
散亂之因 生一切惡 勿行散亂 散亂過人  
障真如理 若行散亂 彼恒無善 人若離善  
牽墜三塗 離一切樂 不生天界 命恒生滅  
爲煩亂根 意通知此 苦中最上 若前根境  
不了輪迴 而執決定 如空中華 如乾闥城  
如水上泡 如水聚沫 迷彼聚沫 為卧具等  
迷彼幻化 為自集動 天龍藥叉 及阿修羅  
迦魯拏等 虛幻亦然 誰救無常 若但作業  
而不早怖 極惡死王 速來逼害 是故作善

後無煩惱 我覺汝等 勿行放逸 彼復生愛  
而被境牽 境縛有情 如牢枷鎖 為地獄因  
永離解脫 是故不實 汝須遠離 此真實法  
世尊所說 諦聽奉行 得益無盡

爾時帝釋忽然之間 觀佛影像 與諸天衆發  
尊重心頭面作禮而說頌曰

彼佛世尊 正徧知者 現救度像 善開解脫  
若人歸禮 解脫輪迴 心獲勝善 此善調適  
無垢清淨 佛說此法 成涅槃道 言此行人  
得無畏力 受寂滅樂 住真空地 過輪迴海  
惠八  
度三界難 開智慧眼 放最勝光 普見世間  
非如土木 凡愚之類 無其光明 遊行妄境  
若人貪垢 心不清淨 口過等毒 復以智水  
洗蕩離染 一切外道 執我無知 於斯諦理  
而不能見 彼無垢言 為汝解說 佛在因地

不行散亂 救度汝等 今到彼岸 復度他人  
利樂一切 於其世間 唯一佛住 無利爲利  
利人最上 如是造惡 隘大地獄 如是修善  
當生天上

彼時帝釋觀察天衆 即說頌曰

譬如飛禽 順風吹急 輪轉人天 往復亦爾  
皆因業感 如其苦樂 聚集散壞 隘業勝劣  
其義亦然 是故造作 皆成因果 牟尼宣說  
真如無邊平等所依 業習種子 一切心作  
而難調伏 唯佛如來 而爲開覺 若業種種  
從一至十 從十至百 從百至千 至那由他  
無數有情 若干種類 墮大業網 莊畫世間  
譬如飛鳥 連繩繫絆 欲往虛空 終不能去  
有情亦爾 但造諸業 被業繫縛 欲出輪迴  
而不得去

彼時帝釋見天散亂 互相嬉戲樂著快樂觀  
五樂歌舞 普徧天中 若不思惟 決定墮落  
彼天衆即說頌曰

汝貪女人 自性堅著 無暫捨離 他意不恒  
隨情進退 富者戀愛 常獲財物 詐親適悅  
如有固恪 輕棄遠離 貪癡之人 追逐欲樂  
譬如渴鹿 競奔陽焰 而求於水 耽欲亦爾  
虛妄不實 彼諸女人 無恩無義 無疎無親  
尊卑不分 種姓不顧 譬如遊蜂 其華芳盛  
而即採食 若見萎華 而即捨去 又復女人  
矯誑惑亂 如彼蜜內 隱藏毒藥 違害亦爾  
有智之人 心正決定 於斯欲妄 而皆不著  
迷人見喜 深自樂著 如蟻聚羶 如蜂護蜜  
天龍神鬼 諸惡夜叉 毗舍遮等 魔護羅詛  
及羅刹婆 亦被迷惑 欲性不實 生妄境界

喻如幻法 言賺有情得無常時 衰壞不覺  
彼天妙地 一切林木 華果莊嚴 爲生死繩  
牽繫汝等 如繩繫犧而不自在 快樂境界  
男女眷屬於無常時 誰能救護 若人得住  
多聞智慧 善業之舍 適心最上 我今當去  
南閣浮提 泉流河海 園苑亭臺 悉皆具足  
如是種種 有如法者 不如法者 論義慧學  
法與非法 我今悉知 虛妄怨心 迷賺有情  
彼有苾芻復說頌曰

心怨下劣 生五根毒 敵蟻衆生 如五頭蛇  
虛懷悔恨 色等五境 爲大愛河 無到彼岸  
彼岸寂靜 離諸邪妄 邪見無利 迷墮地獄  
謬解因果 行輪迴難 得苦惱身 業果生滅  
善惡亦然 若見真空 即到彼岸 永離生滅

汝等應知 愚癡迷欲 欲覆迷人 若住正見  
微妙清淨 戒行律儀 出世及天 求不難得  
若著邪見 修邪難業 我願長壽 非自愚迷  
而復迷他 所行黑暗 墓大輪迴 成就苦因  
逼迫自性 如佛所說 利樂之要 反照正性  
根塵境空 我山自摧 煩惱清淨 出生死難  
住涅槃城 是真解脫 汝等世間 一切有情  
深著欲樂 邪毒入心 涅槃彼岸 終不能到  
假使百劫 輪沒世間 如被枷鎖 不可得脫  
智者所說 出世法財 微妙經典 信受奉行  
快得善利 邪見無因 橫執下劣 虛妄典教  
迷謬有情 普墮輪迴 衆生云何 虛誑真法  
無因妄見 不愍含生 自墮墮他 俱入惡趣  
彼有飛禽名曰蜜行於其樹林食蜜嬉戲而

衆生飲酒癡迷醉 愛味誰知癡索牽  
墜墮無常惡趣中 是故勿飲無明酒  
輪迴因觸生癡見 非法皆從貪愛生  
一切塵勞業海深 汝知飲酒壞名色 是名如來大智說  
火破一切海吞江河 善惡無分譬目盲  
乃至身倒不覺知 可喻木石人恥笑  
飲酒無恒多過失 三十六失作乖違  
智者染著爲大暗 是故遠離於飲酒  
迦捨華輕等彼人 浮囂不定無忠信  
增長貪瞋生死續 要摧此力勤救護  
爾時帝釋天主復說頌曰

惡趣難攀 八聖道破 四無礙智 破諸訥鈍  
智破無智 安住寂靜 破彼攀緣 風破於山  
火破於寒 水破於渴 食飲於飢 足破不足  
恒讚於悲 不讚無悲 妄語惡業 破墜有情  
善說真如 破有爲慧 如佛世尊 能破外道  
天諸勢力 破阿修羅 帝釋告言 我降汝等  
一切天衆 所以者併住正法者 威勢若斯  
若復輪迴 奴僕之類 如處地眠 一切居下  
若復一心 奉行正法 如登牀座 一切居上  
行迷智慧 好行非法 天自業果 不墮何去  
被業風吹 輪轉地獄 餓鬼傍生 誰同代受  
如是一切天男天女 及諸愚迷 一切衆生  
自作惡業 受大破壞  
爾時帝釋而說頌曰

譬如大風 吹空中雲 聚散不恒 輪迴有情  
隨業聚散 不定亦然 又如華敷 開結應時  
茂盛凋殘 隨時不住 時亦如是 過去未來  
亦復不住 人作福善 嬉戲得時 福樂若盡  
往而不復 忠八 如樹生葉 繁茂甚多 若值霜雹  
隨而不復 天人亦爾 受天快樂 忠八 若值輪迴  
無復快樂 譬如天雨 不住虛空 快樂亦然  
不住幻體 譬如大風 吹壞雲雷 快樂亦爾  
吹壞生命 譬如朽木 墮火炎中 永不復故  
迷愛亦然 經百千生 墮墮泥犁 不復人天  
虛妄迷愛 廣偏一切 魔滅善行 遠離人天  
守護此戒 七佛所說 戒定第一 思念生生  
得人業地 思念多劫 父母業地 得生天上  
爾時帝釋復說偈言

若得人中生 由宿行多善 今奉諸律儀  
而復生天上 人中難得生 得者針投芥  
迷惑若散亂 復墮於地獄 善行三業已  
寂靜審觀心 煩惱自消除 定得生天上  
煩惱伏令盡 內生適悅心 清淨離貪瞋  
而得生天上 斷除於憎愛 摩訶苦不生  
種種復行檀 而得生天上 恒運慈悲心  
救護於含識 如護自身命 得者針投芥  
他行不善心 如護自身命 徒墮於地獄  
而得生天上 害物毒如火 清淨離貪瞋  
如母敬愛觀 若覩他妻妾 不生邪染心  
而得生天上 忠八 若人觀妾語 得者針投芥  
如火生舌頭 禁戒若真實 所求皆施與  
兩舌而不作 親友使和合 得者針投芥  
惡口言無度 愛語絕乖離 徒墮於地獄  
而得生天上 傷人利若刀 煩惱自消除  
善語離前非 謐語而增過 得者針投芥  
加言飾說多 如理稱實談 徒墮於地獄  
而得生天上 而得生天上 得者針投芥

此戒宜持護 七佛同所宣 無畏戒法圓

而得生天上 一切諸衆生 若生增上慢

如被枷鎖縛 不得於解脫

爾時有一苾芻而說頌曰

若此女人索 縛人最堅固

惡果居第一 若此女人索 非縛項頸索

纏縛有情心 生苦爲第一 女索縛人切

人間無有比 地獄鬼畜生 可見索形量

大色索縛身 女索雖悅意 女索心非色

縛大無形量 迷生不解脫

縛彼一切人 不出輪迴難 六塵俱縛人

女索力最大 降伏於衆生 此縛居最上

若此女人縛 愚迷心愛戀 爲妻妾眷屬

堅牢不可解

彼帝釋天主如是一千天子一切皆見心生

歡喜歌舞作唱稱讚天王而說頌曰

帝釋忉利王 婆婆世父母 行天梵善行

不著於欲樂 正法救世間 非法令除斷

以法適其心 此樂未曾有 最上最勝智

慈心真實言 快樂法非常 清淨而無染

所有世間德 及彼出世德 天王自在行

一切見無異 救度恐怖者 離苦獲安樂

天人阿脩羅 世間常持護 此處忉利天

彼諸林木樹 種種寶莊嚴 密覆如繒蓋

地布瑠璃渠 宮殿衆寶色 蓮華恒自敷

莊嚴適其意 忠八 天人業因盡 劫火破壞時

妙高一切無 未有不空者 何況諸天衆

如泡如水沫 纔生又復無 無明迷不覺

帝釋天中尊 彼恒放光明 照耀於我等

一切皆依住

爾時帝釋而說頌曰

妙高衆山王 光明真金色

瑩淨體分明

喻彼水中月

若此金光明

喻彼持戒者

無垢戒光明

十六分虧一

自業得生天

莊嚴而具足

業有上中下

感果亦復然

隨自禁戒心

遠離於散亂

住此正法位

恒獲於快樂

若生無垢戒

身有大光明

如彼千日輪

共聚光無異

佛說七種戒

歡喜若受持

彼為最上人

當獲第一果

種種作善業

彼定有後身

無作無彼行

無業無破壞

愚迷不信因

無因亦無果

如覓水中酥

不受於安樂

迷罪心行暗

非善非安樂

煩惱互相增

見彼未曾有

妙法聖念處經卷第七

七

七

妙法聖念處經卷第八

又復宣說輪迴頌曰

一切天人有大散亂 初如親友 後作怨家  
如火焚燒 如刀割切 人間天上 得失平等  
心意狂迷 如同怨家 天人不知 知者遠離  
散亂毒樹 說有三枝 爲老病死 恒復相續  
智者離妄 純善相應 老等三枝 而不爲害  
如過遠離 散亂不生 惡怖解脫 得最上樂  
若散亂樂 不久有怖 若解脫樂 樂定無盡  
百千萬億 般都摩人 樂住名利 妄亂所賺  
妄亂之上 有四種過 若離妄亂 破世間怨  
彼妄亂行 多疑多怖 多難多苦 展轉輪迴  
無有窮盡 四過離一 獲樂無邊 汝等天人  
一心散亂 障覆一切 無漏善法 云何而得

宋西天印度薩迦國那爛陀寺三藏傳教師闍耶舍詔譯

寂靜安樂 若樂自利 修善思惟 煩惱苦等  
於後不生 若諸天衆 所著欲樂 虛妄不實  
一切不久 從幻化生 彼不知見 幻化自性  
而不決定 遠離安樂 恒生衆苦 實言告汝  
若人恒善 世所敬愛 賢聖圍遠 後生天上  
受天妙樂 若復行施 得一切人心生敬喜  
後得富貴 施果如是 若行忍辱 後生天上  
無所怖畏 世人愛重 名稱遠聞 面貌端嚴  
具足朋友 受天妙樂 彼等有情 猶如一切  
世間父母 能破罪暗 譬如日光 住意最上  
爲慈悲寶 出生善根 通達諸法 雖復在家  
若住正見 彼智解脫 輪迴枷鎖 罪友不生  
人獲安樂 聞未聞法 聞之不退 超諸惡趣  
得生天上 心善無垢 諸過不生 離染清淨  
善知報應 解微妙義 絶諸過罪 譬如虛空

不住淤泥 得寂靜果 深信三寶 獲無所畏  
與諸天衆 尊敬如來 信受佛教 蒙法救護  
生我有果 生身有愛 淪溺無邊 此苦難窮  
十六分苦 不及此一 少味多怖 恒賺有情  
喻乾闔城 智者寧信 說殺衆生 至命終時  
樂不隨行 都無所得 種種衆生 有種種心  
種種業行 輪迴枷鎖 一步隨去 生復有死  
愚癡迷惑 真實自性 而不覺悟 無常大怖  
隨彼衆生 來而復去 散亂不知 境界天迷  
如逢蛇蟄 墜墮天人 此苦無等 父母妻子  
男女眷屬 親友知識 不可代受 味著境界  
樂欲迷深 不覺死王 大苦速至 云何方便  
令離苦惱 若無愛欲 苦不能害 亦復不生  
地獄餓鬼 傍生之類

爾時帝釋天主復說頌曰

人行邪道 欲見正真 如手探水 而取其火  
若復無因 何所有果 散亂無德 利益何生  
破壞天人 此意若生 迷欲適悅 後得無常  
心大熱惱 境界不迷 欲火不發 名稱不貪  
安樂最一 若復一心 貪愛世樂 忠八十三 十六分罪  
不及此一 若發大信 解脫輪迴 愛盡境亡  
見無爲樂 禪樂相應 無瞋無喜 彼善若生  
無復輪迴 究竟彼岸 若有欲心 而求快樂  
被業繩牽 墮墮地獄 得一切苦 誰人救解  
徃而復來 從業因生 無前中後 非今後世  
作過無明 嘛人惡趣 是知自愚 行散亂毒  
浮生頃刻 迷愚不覺 後無常位 乃可知苦  
若生有苦 怖彼無常 作意妙法 彼救為實  
真成安樂 如斯言說 實為利益 令心行善  
速得安樂 樂中最上 決定無失 天若迷惑

不依彼法而作亂意生墮地獄無有出期  
彼有飛禽名種種變覺悟彼天而說頌曰  
種種業生彼隨天人知不依法彼後熱惱  
世間所有種種善果園林華鬘階道樓閣  
適悅身心如作善業得見彼果天人業因  
有上中下天非作彼無彼彼果癡降天人  
迷種種行彼意若迷不見大怖失自利行  
種種愛樂求種種果迷心作業天無戒行  
如夜無燈而覓光明因與果等真實可修  
真如智果得有樂分離命無果離燈無光  
離戒無天若離智慧而無解脫若離解脫  
而無安樂百般求救方脫愛身智者離我  
無此業樂一切有罪而復不生得彼利益  
一切聖人無垢所說百千劫人樂欲境界  
耽著不足一心不捨漸漸增長增長彼毒

須臾墜墮智知德過此法師相德過無知  
此迷行相德處生德過處亦然知真過德  
恒獲安樂德過難知離彼智故何智最上  
天行境界彼意無智百願無能得彼安樂  
如作大業最上戒果得作人天微妙適悅  
最爲第一根門顛倒邪取境界忠八十四若降此心  
得天快樂福樂苦惱自作自受作罪決定  
如住怨家作善亦然如親善友若意速辨  
清淨福力當得人天如流赴海恒行惡境  
惡行相應決定無益彼岸智種若意愛樂  
得苦非法非法快樂即成魔苦此苦樂相  
二俱平等若人有智獸苦忻安滅忍妙法  
而可奉行苦之與樂無因不見種種苦樂  
各別因生衆生自行多劫多生一切業果  
種種不失若樂行法守護正法得生天上

受妙快樂 迷法之人 遠離正法 無得利益  
墮輪迴獄 法眼若開 癡不降心 見此快樂  
如雨下地 虛妄不實 作意佛刹 心植法種  
癡盲戒法 樂行非法 行非法道 心賺輪迴  
人得罪久 若此心行 自性輕浮 種種顛倒  
剎那不住 幻化非實 如乾闥城 纏縛智識  
速宜省悟 天人散亂 愛貪境界 被境誤賺  
命墮不知 快樂虛妄 一切不定 諸天作樂  
不久即滅 迷轉天衆 生生亦然 生法虛假  
彼計真實 生法不定 彼計決定 行彼怖法  
纏縛壽命 墜墮天人 如垂落地 女心顛倒  
忠八  
虛妄誑賺 若復捨離 得第一樂 女人顛狂  
嚴飾不恒 感詐巧言 移性不定 譬如遊蜂  
逢華即採 無華即捨 女人亦爾 有財即募  
無財即捨 女心妬惡 等彼黑毒 又復女人

難爲共住如風大起如火大熾如空大徧  
誰能收把女人易性機便百般亦莫收把  
若一女人爲惡業因破解脱行成病死難  
若多女人生其煩惱爲彼世間種種留難  
幼少女人愚迷增長自性顛狂無明熾盛  
如日放光又復女人無實愛戀如彼燈炎  
彼實爲怨如蠅噏瘡愛彼有財非愛無財  
若有財物女人樂住若無財物云何可住  
無與財利而不親近性行差別心能喻火  
無降女者如人隨順承事如如亦復棄背

女多虛誑如華蓋蛇女人內心如灰覆火  
色蓋亦爾適悅不善身如毒樹生彼毒華  
勿須親近一向欲境愛著女人今世後世  
人無快樂無明迷醉顛狂懈怠愛味行罪  
不見人賢智者知法深信因果發精進心

猛利修行遠離女色人獲勝善人行女地  
如履黑網智者不著得盡魔界一切禁戒  
女戒第一何不離女智者遠離得寂靜樂  
彼女人縛猛火器仗不能燒截衆生強力  
不可調伏我離彼故一心天上捨彼快樂  
生夜摩天得無盡樂快樂中大此等眼耳  
鼻舌身意於彼色聲香味觸法六根不住  
此諸天衆恒行渴欲而無有足如火自性  
能燒草木何時有足彼六根火猶豫不決  
燒此有情都無知覺此散亂地志八不行道法  
離彼散亂所愛境界人隨自業十六得住真實  
女人生愛其心難御隨自業因生有別離  
如是觀察女人顛倒生離別處若覓快樂  
心住狂惑行欲女人如親惡友意在三非  
身得四苦是故恒離欲毒之火快樂苦惱

隨自業牽若於天上著五欲樂天人宮色  
不久墮墮佛見真空得解脫道說彼輪迴  
一切由業女人爲愛得過最上無決定心  
如日無暗如火無冷女人薄信無愛亦然  
如地如風動靜不等女人恩害不等亦然  
人雖一心多行恩戀彼意非恒時頻遠離  
喻如鶴鵠立望空池又如大山未見能行  
亦如大河未見逆流女人亦然未見實愛  
生爲過網障礙人法譬如日光不離日體  
如彼誦愛不離女人雖復美言給賜財物  
而彼女心難降如火意悅平和艱難捨離  
一念生過尋便忘恩女人鄙惡難降如火  
宜速捨離遁迹山林求寂妙樂天人發意  
迷欲快樂不悟惡怖必損命壽生在彼天  
決定無常如夜日沒是故三界大夜無常

可等日沒 若求出要 彼作利益 行三聚戒  
彼業報應 得妙快樂 天復散亂無一念心  
別作善業 彼樂必盡 愛欲不善 當獲大苦  
餘苦十六 不及一分 善哉善業 欲心無足  
如採魚人 貪魚亦爾 欲纏覆心 如眠長夜  
迷愛相續 無常不覺 後見苦相 方知彼果  
又此欲惡 先如賢友 後無利行 若信彼欲  
盲智慧眼 後墮地獄 如落山崖 不散亂行  
最上善友 恒救護人 是求善友 散亂爲怨  
此毒最惡 佛說散亂 入惡趣道 若迷散亂  
愛樂境界 彼迷過人 恒得苦惱 若有苦怖  
無智觀察 彼等傍生 不得天人 上妙快樂  
若彼天人 愛樂飲食 及著婬欲 心行傍行  
當處傍生 若無分別 非知德業 若知心法  
知業亦然 於此嬉戲 住無常舍 得無常時

受苦難果 若怖無常 起大智慧 思惟正法  
深樂經典 是真智者 一切貪愛 無常怨家  
快樂盡時 壞一切命 彼得無常 最大惡處  
餘不可救 唯依正法 是真歸仗 深心諦觀  
無常之根 散亂爲本 先治攀緣 後去無常  
得法命樂 說此第一 此不散亂 可行天道  
善知苦縛 解脫亦然 不離散亂 為善快樂  
已善非善 如雲散滅 若人精進 發勇猛力  
拒捍魔軍 得彼寂靜 上妙安樂 若人邪亂  
不行善行 宿善業盡 當墮地獄 若人一心  
靜諸不善 離諸苦惱 當獲福樂 若降諸根  
不染罪法 境界亦然 離諸纏縛 及輪迴道  
等彼黃金 不住塵垢 出生死難 一切清淨  
若散亂行 不過六根 塵事不生 一切利益  
是大安樂 適悅充足 若彼天人 身心清淨

女色不著 如魚履水 塵埃永離 智慧亦然  
是故天上 遠離女色 作意欲愛 定得纏縛  
迷一切法事與非事 斯人薄祐 遠離涅槃  
親近法師 得真法智 行法求果 如是成就  
心恒離妄 調伏諸根 得到彼岸 由彼智慧  
意索不住 繼縛境界 智者能除 爲彼世間  
解法之師 天上園林 自在遊戲 多獲快樂  
適悅境界 若能棄捨 為彼善業 心靜安樂  
是爲甚難 生夜摩界 若離散亂 虛妄攀緣  
生彼天者 數及俱胝 及鉢都摩 得自業果  
若心難調 作彼業果 因心輪轉 衆生迷此  
十二緣起 展轉輪迴 過現未來 人間天上  
一切有情 皆由心作 妙高山頂 瑰瓈之地  
帝釋聖賢 於此恒住 別有山峯 瑰瓈所成  
乾闥婆住 人不能到 一切地位 林樹園苑

散別各住 適悅其意 人不能到 最上金地  
有蓮華池 瑰瓈所成 人不能到 復有流泉  
及諸池沼 衆鳥群集 往來遊戲 殊妙第一  
人不能到 宮殿車乘 最上莊嚴 諸天住此  
人復遠離 人遠離故 欲境所賺 如是世苦  
心無怖畏 轉復愚頑 行彼輪迴 恒受衆苦  
忠八  
如繩纏縛 如籠覆鳥 彼上一一殊妙天界  
而不得生 世間女縛 破壞善法 增長生死  
若人貪著 被死魔軍 競來破壞 散亂之性  
迷著女人 得無常時 自受業果 山林蓮華  
流泉浴池 彼可嬉戲 何愛女人 決定得彼  
生死大患 恒貪名利 得患亦然 彼女人縛  
多作貪愛 難可調伏 而爲大患 違損世間  
一切有情 若此女縛 世間欲貪 爲過最大  
一心思惟 知過實然 欲過既深 不墮何去

彼一切人降心離欲遠離女人生夜摩天  
彼有光明如日如星隨身照耀乘虛適悅  
一切亦然 是彼光明天人具足一切如是  
天主見彼之衆於其光明取相執著而宣金  
字偈文如說頌曰

天身無垢膩 恒修清淨行 散亂不令生  
長獲於快樂 非揀樂與苦 老少及中年  
上族并下族 不免死王壞 有主無主者  
力與非力輩 醜陋及端嚴 不免死王壞  
王侯及臣從 在家與出家 或善或非善  
不免死王壞 富貴與貧寒 有德及無德  
不免死王壞 若女若男身 不免死王壞  
水中與陸地 主客禽畜等 眇野及山川  
睡與非睡者 噥食與不食 一切在世間  
不免死王壞 地上與天上 此界及他方

輪轉亦復然 不免死王壞 厚福及薄福  
剛強與柔軟 患病及身安 不免死王壞  
餓鬼與傍生 人與非人等 無力亦無能  
豈免死王壞 欲界與色界 一切天人住  
福壽消盡時 不免死王壞 上至無色界  
一切諸天衆 住三摩鉢底 忠八  
三界情非情 一切如幻化 忠九  
非彼死王侵 知此無常力 二十  
墮墮受輪迴 展轉無窮已 二十一  
因欲生煩惱 違損如毒蛇 二十二  
無常有情難 作善而無力 二十三  
皆由心所造 惑欲行散亂 二十四  
愛索縛天人 墜墮於惡趣 二十五  
墮墮於惡趣 天人行散亂 二十六  
不住譬懸河 身墮都無覺 二十七  
著彼快樂者 天衆不能觀 二十八

如盲履非道 迷欲著樂者 不如於盲人  
迷欲墮三塗 盲人却非墮 是故依欲行  
不如無目者 於欲而無狀 煙知心自迷  
墮墮不離心 恒作無功利 念念欲苦生  
無智無知識 若行欲愛者 寧知心自迷  
此所招欲果 如得惡朋友 云何復行欲  
恒時住惡趣 人死不復活 牽入無常宮  
欲樂亦復然 一切成虛幻 如流去無友  
生滅苦浮漚 流年少不迴 一切衆生命  
生老無常苦 一切皆盡有 心王作諸行  
心恒而散亂 若起無垢慧 作意清淨行  
易得世間身 永不入惡趣 未生善令生  
已生令增長 所作善隨心 自身果亦爾  
善心見欲境 如觀器杖毒 不善著欲境  
迷心得適悅 諸根爲善惡 皆由於自心

心起煩惱集 而得善惡果 智者正覺察  
觀色平等空 斷除苦集緣 何各而有果  
熾然諸境界 一切因自心 心善若調伏  
如色空平等 如彼一窠稻 稗等色相別  
心行亦復然 種種生煩惱 彼稗喻心王  
散亂貪欲色 色境喻浮雲 世心亦如是  
而隨業相轉 彼既見此苦 不覺苦果生  
若恒生欲愛 遠離一切善 天人何樂欲  
於欲而捨離 苦實恒苦空 天人不覺知  
智者非所樂 是故智慧人 是苦自行相  
苦果既無常 境界虛誑心 智者非所樂  
心迷無知業 天人隊隨時 業牽無所覺  
設生夜摩天 自性成虛幻 愚盲無智眼  
不見貪慢垢 墜墮得無常

是時妙德即說頌曰

無常覺眼視  
報盡如燈滅  
業報流轉時  
衰相自焚燒  
大力十二支  
生滅各不定  
設住兜率天  
爲輪布法界

妙法聖念處經卷第八

音釋

惰蜀庸切  
利情也  
也利也  
雹蒲角切  
雨冰也  
鶴古玩切  
鳥名

齒交五巧切  
齧齧也  
訥訥鈍訥也  
鈍內骨切言難  
徒徒固切  
國國不難